

حلول مقترحة لمشكلة التشتت ضعف الإرادة وتضييع الوقت عن طالب العلم | حسين عبدالرازق

حسين عبدالرازق

السلام عليكم ورحمة الله وبركاته الحمد لله رب العالمين واهشهد ان لا اله الا الله وحده لا شريك له. واهشهد ان محمدا عبده ورسوله
صلى الله على محمد وعلى آل بيته وذراته - 00:00:01

نصائح آآ تخص آآ الجلوس في في المنزل يعني عندهم وقت فراغ كبير جدا - 00:00:15

فكتير منهم قال احنا عايزين آاحتاجين نصائح نعمل ايه في الوقت ده فانا حبيت ان انا يعني اضرب عصفورين بحجر. آآ اولا حبيت
ان انا آآ ادي نصائح للطلاب مقتراحات في مشروعات علمية لتحصيل آآ طلب العلم - 00:00:33

ابدأ مقدمة. المقدمة دي ممكن شوية يعني تزعل بعض الناس لكنها يعني كاشفة. وهي كلمة صادقة - 00:00:51

اول شيء آآ أنا والله من اخص مشاريع حياتي التي اتقرّب الى الله تبارك وتعالى بها واحرص عليها هي ان اسعى في آآ بناء طلاب العلم او في آآ مساعدة طلاب العلم حتى يتبوأوا مكانهم في الاصلاح والتعليم وآآ - 00:01:12

وتبصير الناس عند الفتنة وتثبيت الناس وتزكية النفوس. فيعني يكون بيننا تعاون على البر والتقوى في الباب ده فانا مهم جدا بهذا الملف ومشغول به يعني من من سنوات طويلة والله الحمد - 00:01:31

فانا هنا لما بتكلم معك مثلا وبشد عليك شوية هذا يعني آآ يعني حب الاخ لاخيه. دي يعني زي ما نقول كده فضفضة ولكن آآ احبيت
ان هي تكون آآ بشيء من الشدة شوية عشان نفوق يعني - 00:01:46

اه الكلام اللي انا هقوله دلوقتي مش من باب الجلد ولا التفاخر ولا ازدراء طلاب العلم او الحاجات دي اساسا ما عدش فيه وقت لها يعني. احنا عايزيين آنبدأ بصراحة وبصدق ونحاول ان احنا آنكون سبب مع بعض ان احنا نبصر بعض بالخير - 00:02:02

بكل صراحة ووضوح يعني انا لا اعرف شاب من طلاب العلم بدأ في طلب العلم بعد آآ سواني حد بيتصل بس اقفل اقول يا شباب بكل وضوح والله انا لا اعرف طالب واحد بدأ في طلب العلم بعد انتشار الفيسبوك والتليجرام والواتساب وال حاجات دي - 00:02:21

ما اعرفش طالب واحد آاً انشغل بالأشياء دي ومهتم بها جدا وفلح في اي باب من ابواب العلم. ده بامر بكلمها كلمة انا اتفقت ان احنا من الاول هنبدأ ببداية صادمة شوية - 00:02:46

لكن بعد كده هنذكر ان شاء الله الحلول المقترحة باذن الله كتير من الشباب اعرفهم بدأوا تقريبا من اول الثورة اللي حصلت في مصر. كتير من الشباب بدأ يكون عنده فيسبوك - [00:03:01](#)

وانا نفسي ما كانش عندي فيسبوك ولكن اهتميت بالوسيلة دي بناء علىاني شفت شباب كتير بدأوا يشتراكوا فحببيت ان انا احاول ان
انا اساهم معهم بشيء ممكن ينفعهم يعني - 00:03:15

فاللي انا عايز اقوله ان كتير انا بتكلم باللغة العامية لان اه انا عايز اتكلم سريع شوية وبعد كده ادخل بقى في الحلول المقترحة ان شاء الله. عايز بس اشرح المشكلة - 00:03:25

كتير من الشباب اللي بدأوا ان هم آآ كانوا مهتمين الاول بالعلوم الشرعية وكانوا ماشيين في خطة علمية كويسية كان اه عايز

يتعلم القرآن ويتعلم الحديث واصول الفقه ويتعلم علوم كثيرة جدا - [00:03:37](#)
وكان عنده خطة واضحة وماشي فيها ده ده صنف. الصنف الثاني ناس بدأوا آآ في طلب العلم بعد ما انتشرت وسائل التواصل. وهم مهتمين بوسائل التواصل قاعدين عليها ليل نهار - [00:03:51](#)

اقول بكل وضوح والله يا شباب لا اعرف شخصا واحدا من هؤلاء اما اللي هم كانوا بيطلبوا علم وبعدين عاشوا على الفيسبوك او الوسائل التواصل او الطلاب اللي بدأوا لما آآ بدأ طلب العلم يعني لما - [00:04:04](#)

طلب العلم في الفيسبوك ما اعرفش واحد منهم ثبت في طلب العلم او آآ مسک حاجة باليديه يعني زي ما احنا بنقول يعني لأ هي شوية ثقافة عامة بياخذها ومعلومات ومنشورات - [00:04:20](#)

هذه المعلومات يا شباب هي المفروض مجرد مقدمات او مثلا معلومات غير مرتبة. فمش ممكن ابدا انسان ينبل في طلب العلم.
ويكون اه يعني شادد حيله وواقف على رجليه - [00:04:35](#)

بمجرد المنشورات اللي هو بيقرأها. لأن المنشورات دي ببساطة اولا مش مرتبة وفي موضوعات مختلفة. آآ وفي نفس الوقت دي نتائج
طلاب العلم بيقدموها لك. فالمفروض انت تبدأ من حيث بدأوا. مش انت تأخذ النتائج دي وتعيش عليها يعني - [00:04:49](#)
 فهي الفكرة الاولانية هي ان انا بكل وضوح وصراحة آآ لا اعرف طالب علم واحد. دي الفكرة الاولى عشان نركز فيها. لا اعرف طالب
علم واحد بدأ في باب من ابواب المعرفة سواء في العلوم الانسانية. او في - [00:05:07](#)

العلوم الشرعية الحديث الفقه واصول الفقه علوم القرآن آآ اصول التفسير لا اعرف واحد اهتم بالباب ده آآ وهو منشغل بالفيسبوك
بهذا الدامان. ويكون انتفع بشيء من المعرفة. دي انا لا اعرفه ابدا - [00:05:22](#)

هل ده بقى راجع عشان الطالب ده مش حاسس بقيمة العلم؟ لأ هو حاسس بقيمة العلم الدليل ان هو بيتوصل مع طلاب كثير جدا
بيطلب منهم خطط وبرامج عايز يتعلم عايز يكون كوييس - [00:05:41](#)

بل بعضهم كمان يعني آآ ممكن يكون بيغلو في طلاب العلم زيادة عن اللازم او فاكر ان طلاب العلم دول اللي هم مشهورين على
فيسبوك فاكر ان دول يعني فعلا متخصصين - [00:05:54](#)

شخص كبير وان دول ائمة. وطبعا التصور ده انا بعذره فيه لأن اي واحد لم لم يعش مع العلماء الكبار الطبيعي لازم ينذر الى طلاب
العلم الموجودين دلوقتي انهم عباقرة وانهم يعني ائمة. لكن كل واحد من طلاب العلم - [00:06:04](#)

عارف ان دي خدعة يعني اي واحد يعني من طلاب العلم اللي انت بتتتوسم فيهم الخير انا متأكد ان هو مع نفسه بيضحك لما حد
يقول له انت شيخ كبير انت امام. ليه؟ لانه ببساطة بيقيس نفسه على - [00:06:20](#)

وكل ما الانسان ازداد علما كل ما عرف حجمه ايه بالضبط وكل ما عرف سعة العلم آآ فيقيس نفسه على العلم وبيقيس نفسه على
العلماء بيعرف هو عارف نقصه كوييس وبالتالي مش هينخدع بالكلام ده - [00:06:34](#)

فكثير من الشباب عنده غلو كبير جدا في آآ طلاب العلم او بعضهم بيشتغل التراس يعني عايش كده على صفحة واحد ليل نهار حابس
نفسه عليه. شف هو بيقول ايه وبيعمل ايه. وده انا حذرته منه كثير. انت لازم - [00:06:47](#)

لازم يكون عندك تنوع في التقلي. كل واحد من طلاب العلم بييفيدك شيء في آآ يعني يمكن ان تنتفع منه باحسن ما عنده. وده هنتكلم
عنه ان شاء الله آآ كثير جدا منهم آآ - [00:07:01](#)

زي ما قلنا بيفتح على نفسه ابواب كثيرة جدا. وبيشغل نفسه باشياء آآ خليني انا احاول آآ اذكر المشكلة من الاول هل حل المشكلة دي
بترجع ان هو ما عندهوش خطة؟ لأ هو عنده خطة. انا في ناس كتبت لهم يعني انا اكتثر حاجة عملتها في حياتي تقريبا ان انا كتبت
خطط للناس - [00:07:15](#)

آآ عندهم خطط وكثير منهم بيمشي في الخطة اسبوع وبعد كده يسيبها وبعد كده يتصل بشيخ تاني عشان يكتب له خطة وهكذا.
وازن ده انا اتكلمت عنه كتير كتير منهم بقى يا شباب بيفتح على نفسه ابواب في البداية. يعني انت لستة بادئ في طلب العلم. انت ليه
بتفتح على نفسك قنوات - [00:07:36](#)

ونفتح على نفسك دروس وتروح تخطب الجمعة في آآ مسجد بينك وبينه مثلاً عشر ساعات عشان تروح له آآ يعني ربنا يفرج عننا ونفتح لنا صلاة الجمعة. احنا محروميين منها. نسأل الله سبحانه وتعالى ان يعني تفتح لنا المساجد ويفتح لنا الحج والعمراء -

00:07:56

ويغفر لنا ذنبنا واسرافنا في امرنا ولا يؤاخذنا بما فعل السفهاء منا وان يجعل هذا الابتلاء خيراً لنا. وان يجعل العاقبة لنا آآ آآ كتير من الشباب بيفتح على نفسه ابواب هذه الابواب هو آآ بستنزف وقته بستنزف عمره -

آآ بيفتح قنوات بي يريد ان يكون له في كل حدث آآ قول كل مسألة عايزة يدلوا فيها بكلام يريد ان هو || يدرس يعني عايزة مثلاً كل ما يحصل مثلاً يظهر واحد متدع مثلاً وعايز يرد عليه. مع ان في غيره كتير الحمد لله ييكفيه هذا الباب -

آآ كتير ايضاً من من الامور او من الاسباب الخطيرة جداً التجربة على الفتية. ان هو ما عندوش مشكلة ابداً ان هو يحكم في مسألة ملتبسة ويقتفي فيها ويتكلم وآآ بكل جراءة -

00:08:57

امم كتير منهم جداً باختصار ما عندوش شعور بقيمة العمر اللي بيعدني منه لازم آآ او خلينا نقول توصيف المشكلة ايه هي المشكلة فيرأيي ؟ المشكلة العجلة في التصدر. العجلة في ان يكون لك مساحة تلفت بها انظار الناس. تريد ان تكون من المتابعين. بعضهم بيفعل ربما -

00:09:10

افعل كده لو جه الله ان هو شايف انه عنده شيء وعايز يعلم الناس. لكن في الواقع انت ما عندكش حاجة. فانت تضيع قليل ما عندك بكثير من الجداول وكثير من انك انت تتكلم في اشياء لم تطلب منك اساساً وغيرك يكفيك -

00:09:36

فمن ضمن الامور الخطيرة جداً انك انت آآ تتعجل آآ الظهور، تتعجل ان تكون آآ متابع من الناس. تتعجل ان ان تنشر العلم بين الناس تتعجل ان يكون لك دعوة. انا اعرف شباب والله العظيم باقي له يمكن بقى له يمكن اربع شهور او خمس شهور بادئ في طلب العلم، وعايز -

00:09:53

نعمل فيديوهات ويعلم الناس ولا الموضوع مش كده دي مش حاجة كويستة ما تفرجش بها يعني. ده من باب التكليف والمسؤولية. يعني لو احنا واحد فيينا بيتكلم او بيدرس اقسم بالله ليس من باب الاهلية -

00:10:13

لم اشعر في وقت في ثانية من عمري اني مؤهل لاعلم الناس. اقسم بالله. وهذه شهادة يحاسبني الله عليها انا وغيري من الناس اللي بتتعلم يعني. لكن هي الفكرة كلها ايه؟ ان هي من باب المسؤولية. بحس ان انا يعني اصبح عندي فكرة يمكن ان انفع بها الناس فافيدهم بها -

00:10:27

اما انا لو وجدت شخص يكفيه هذا الباب ده هيبقى خير. يعني هي ده اخويا وحبيبي وسندى. فرصة. فرصة ان هو يعني آآ يشيل عن هذا الحمل ودي فكرة كانت مستقرة عند الصحابة -

00:10:45

يعني عبد الرحمن ابن ابي ليلى احد كبار التابعين الافضل الانتماء قال لقيت مائة من اصحاب النبي صلى الله عليه وسلم ما منهم مفتى الا واداها ان يكفيه الفتية. وما منه -

00:11:00

محمد الا واداها ان يكفيه الحديث. يعني هو شايف ان اخوه بيكتفيه الحديث. انما دلوقتي الشاب فاضي يعني هو زمان كان العالم مليان مليء وكمان بيفرح لحم لما حد يشيل عنه الحمل. خلاص -

00:11:15

جميل لان في مسئولية. انما دلوقتي الشاب فاضي تماماً وهو اللي بيفتح على نفسه هذه الابواب. يعني هو آآ لم يطالب بهذا والامة لا تحتاج وهو ليس مؤهلاً وهو الذي يفتح على نفسه هذه الابواب فيتجروا على الفتيا ويتكلم في مسائل ملتبسة ومسائل مشكلة -

00:11:30

فهو يتتعجل ان ان يدخل في هذا الجو. يريد ان يكون له قول في كل فرقة في كل جماعة في كل حدث. آآ في كل مسألة شرعية او كل نازلة يريد ان يكون له قول -

00:11:51

آآ ايضاً من الامور الملاحظة جداً في يعني طبعاً المفروض ان انا هنا بكلم طبقة طلاب العلم الذين آآ جعلوا طلب العلم من اخص الامور يتقربون بها الى الله فكرة بقى التيك او اي يعني اللي انا بسميها تيك او اي اللي هو كل حاجة سريعة في حياتنا -

00:12:05

طالب علمي المفروض بيقرأ آآ منشور عجبه جدا وشعر ان فيه فكرة اول ما يلاقي المنشور طويل يقرأ اول سطر وخلاص ما عندوش وقت هو اتعود على الحاجة السريعة يسمع فيديو ويعجبه يسمع اول دقيقة منه بعد كده يدخل في غيره. يمسك ببرنامج من البرامج مثلا بـ برنامـج لضبط القرآن او اتقان القرآن او برنامج - 00:12:23

مثلا في حفظ السنة او برنامج في شرح الحديث او برنامج في اصول الفقه او في علوم القرآن او في دراسة علوم الحديث اي برنامج يمشي عليه اسبوع بعد كده عايز ينتقل لغيره. فكرة الوقوف اللحظي مع الشيء النافع وتركه للدخول في غيره. دي من اخطر الامور اللي - 00:12:43

انتشرت بين اه الشباب عموما وطلاب العلم خصوصا ودي مناسبة للوقت ما عندوش وقت يزاكـر ما عندوش وقت يلخص ما عندوش وقت يكتب الفوائد. بسرعة ممكن يسمع فيديو ويعجبه جدا لكن بسرعة عايز يقلب الصفحة ويدخل في غيره - 00:13:03

دي بقى فكرة خطيرة جدا انتشرت بين الطلاب بعد وسائل التواصل الاجتماعي فيرأـيـه ان دي من اخطر الامور خلته ما عندوش طاقة يعني بقى ضعيف العزم قليل الصبر عايز ينتقل بسرعة من امر لاخر - 00:13:21

تنزل به مصيبة يتفاعل مع المصيبة يوم او اتنين او ثلاثة وبعد كده اثـرـها يذهب. يسمع موعظة لا يعمل بها يعني انا حينـما اسمع موعظة وتنفعني لابد اوقف كل حاجة في ايدي واكتب هذه الموعظة واكتب افكارها واضـعـها امامي واحاول امشـيـ عليها لأـهـوـ عـمـالـ 00:13:38

في مواعظ ومقاطع فيديو جميلة وخطط وبرامج ولم يبدأ في ولا واحد منها. ولو بدأ في برنامج واحد يتركه بعد اسبوع او اتنين. ما فيش ثبات لذلك انا عملت حلقة قبل ذلك كانت تقريبا نصف ساعة - 00:13:57

في معنى دعاء النبي صلى الله عليه وسلم الذي صـحـحـهـ بعضـ اـهـلـ الـعـلـمـ اللـهـمـ اـنـيـ اـسـأـلـكـ العـزـيمـةـ عـلـىـ الرـشـدـ وـالـثـبـاتـ فـيـ الـاـمـرـ اـنـكـ يكون عندك عـزـيمـةـ عـلـىـ الرـشـدـ. مشـ هوـ دـهـ بـسـ المـوـضـوـعـ لـازـمـ يـكـونـ عـنـدـكـ ثـبـاتـ فـيـ الـاـمـرـ لـازـمـ تـثـبـتـ عـلـىـ الشـيـءـ - 00:14:13
انا مثلا حينـما اعرف ان في عالم من العلماء متميز وعنهـ برنـامـجـ قـويـ وهذاـ برنـامـجـ عنـديـ لـابـدـ انـ اـسـيـرـ عـلـيـهـ وـاثـبـتـ عـلـيـهـ انـمـاـ لـأـ.

الطالب دلوقـتيـ بيـقـفـ النـهـارـدةـ معـ فيـديـوـ وـفـيهـ خـطـةـ وـبـعـدـ يـوـمـيـنـ معـ فيـديـوـ تـانـيـ يـعـيـشـ طـوـلـ عمرـهـ عـمـالـ - 00:14:29

في خطط وبرامج ولم يبدأ في واحد فيها آآ يعني مشكلات كثيرة جدا آآ ازن ان انا حاولـتـ انـ اـتـكـلـمـ عـنـ آـاـغـلـبـهـاـ لـكـنـ باختصارـ اـنـ عـاـيـزـ اـقـولـ اـنـ اـنـتـ آـاـكـانـسـانـ مـسـلـمـ شـابـ عـنـدـكـ قـوـةـ وـعـنـدـكـ طـاـقـةـ وـعـنـدـكـ وـقـتـ - 00:14:45

والله هذا العمر يمكن ان تبلغ به عند الله اعلى الدرجات. فقط تحتاج ان تشـعـرـ بـقـيـمةـ هـذـاـ الـوقـتـ تـحـتـاجـ انـ تـشـعـرـ بـقـيـمةـ الـعـمـرـ. تحتاجـ انـ تحـبـ نفسـكـ. انـ تحـبـ لهاـ الخـيرـ. انـ يكونـ عـنـدـكـ اـهـدـافـ وـاضـحـةـ - 00:15:04

هذه الاهداف مترجمة الى اعمال انا عارـفـ اـيـهـ وـعـارـفـ وـدـهـ الـلـيـ اـنـاـ هـتـكـلـمـ عـنـهـ اـنـ شـاءـ اللـهـ فـيـ الحلـولـ المقـترـحةـ خـلـيـنـاـ بـقـىـ اـحـنـاـ حـاـوـلـنـاـ نـزـكـرـ يـعـنـيـ شـيـءـ عـنـ المشـكـلـةـ وـطـبـعـاـ المشـكـلـةـ اـعـقـمـ منـ كـدـهـ بـكـتـيرـ جـداـ. خـلـاـصـتـهاـ يـاـ شـبـابـ - 00:15:20
انـ فيـ اـنـسـانـ مـحـبـ لـلـاسـلـامـ آـآـ يـرـيدـ انـ يـنـصـرـ اـلـاسـلـامـ يـرـيدـ انـ يـبـيـنـ الحـقـ وـيـرـيدـ انـ يـدـفـعـ الـبـاطـلـ. وـيـرـيدـ انـ يـزـكـيـ نـفـوسـ النـاسـ وـانـ يـدـعـوـ عـلـىـ اللـهـ. بـسـ هوـ نـفـسـهـ - 00:15:37

ليسـ عنـدـ رـسوـخـ عـلـمـيـ وـلـاـ حتـىـ يـسـعـيـ فـيـ الرـسـوخـ الـعـلـمـيـ لـيـسـ عنـدـ مـهـارـاتـ. لـيـسـ عنـدـ شـيـءـ يـقـدـمـهـ لـلـنـاسـ. لـيـسـ عنـدـ سـوـىـ عـاطـفـةـ ليسـ عنـدـ عـزـمـ لـيـسـ عنـدـ تـصـورـ لـهـذـاـ المـشـرـوـعـ ماـعـنـدـشـ حاجـةـ. هوـ بـسـ دـاخـلـ كـدـهـ بـالـدـرـاعـ وـخـلـاـصـ يـعـنـيـ زـيـ ماـ اـحـنـاـ بـنـقـولـ بالـمـصـرـيـ دـاخـلـ بـالـفـهـلـوـةـ يـعـنـيـ - 00:15:51

لـأـ الفـهـلـوـةـ ماـ بـتـنـفـعـشـ اـنـتـ اـرـدـتـ شـيـئـاـ وـكـنـتـ صـادـقاـ فـيـهـ فـلـابـدـ انـ آـآـ مـجـتـهـداـ فـيـ الـعـلـمـ بـاـسـبـابـهـ. وـلـابـدـ انـ تـجـتـهـدـ فـيـ السـعـيـ هذهـ الـاسـبـابـ. نـبـأـ بـقـىـ اـحـنـاـ فـيـ الـحـلـولـ المقـترـحةـ لـهـذـهـ الـظـاهـرـةـ. ظـاهـرـةـ الشـابـ الـلـيـ بـيـحـبـ الدـينـ وـيـرـيدـ انـ يـنـصـرـ اللـهـ وـرـسـوـلـهـ - 00:16:11

هوـ اـلـاسـلـامـ وـيـرـيدـ انـ يـدـعـوـ عـلـىـ اللـهـ وـيـرـيدـ انـ يـعـلـمـ النـاسـ لـكـهـ فـيـ نـفـسـ الـوقـتـ مـشـتـتـ اوـ بـيـضـعـ وـقـتـهـ اوـ ضـعـيفـ عـزـمـ اوـ ماـعـنـدـشـ برنـامـجـ وـاضـحـ يـسـيـرـ عـلـيـهـ. اوـ عنـدـ برنـامـجـ وـاضـحـ لـكـنـ لـيـسـ عنـدـ صـبـرـ. يـبـقـىـ اـحـنـاـ كـدـهـ وـصـفـنـاـ الصـورـةـ - 00:16:33

الشخص ده بقى هو الذي انا يعني آآ اقول له هذه الكلمات شخص يحب الخير ويريد ان ينصر الله ويعرف قيمة الدعوة الى الله ولكنه مشتت او ضعيف العزم او ليس عنده برنامج او تصور للهدف آآ او ضعيف يعني قليل - 00:16:53

سريع الملل هذا هو الذي اقدم له هذا ان شاء الله الفكرة الاولى يا شباب فكرة مهمة جدا وهي ان تعرف ان اغلى ما يمكن ان ان او اغلى ما ما اعطاه الله لك هو العمر - 00:17:13

الله سبحانه وتعالى بين ان قيمة هذا العمر وبين ما هو الذي ينبغي ان تسعى له في العمر الله سبحانه وتعالى حينما آآ بين آآ اهل النار يعني بين حال اهل النار - 00:17:29

ان هم قالوا يعني ارجعنا نعمل صالحا غير الذي كنا نعمل. فربنا قال اولم نعمركم ما يتذكر فيه من تذكر وجاءكم النذير النذر حوالينا كثيرة جدا. نذر كثيرة جدا تجعل الانسان يتحرك - 00:17:43

اي انسان يزعم انه حزين على حال المسلمين وعلى ضعف المسلمين. آآ دون ان يتحرك فهذا العزم كاذب. والله سبحانه وتعالى بين ان الارادة آآ تصدق وتکذب من المؤمنين رجال صدقوا ما عاهدوا الله عليه ده صدق الارادة لكن في نفس الوقت قال - 00:17:59

ومنهم من عاهد الله لان اتنا من فضله لنتصدقون ولنكون من الصالحين. فلما اتهم من فضله بخلوا به وتولوا وهم معرضون لهم نفاقا في قلوبهم الى يوم يلقونه بما اخلفوا الله ما وعدوه وبما كانوا يكذبون. الارادة تصدق وتکذب. كل من زعم - 00:18:18

انه يريد شيئا ولم يطلب اسبابه ولم يسعى في طريقه فهي ارادة كاذبة يبقى الفكرة الاولى الشعور بقيمة العمر. يا ليتني قدمت لحياتي. الحياة اللي احنا عايشينها دي ببساطة يا جماعة اقسم بالله ليس لها اي معنى - 00:18:38

هنا قال عنها متع الغرور متع زائل. طيب ماذا قال بعد ذلك؟ والباقيات الصالحات خير عند ربك ثوابا وخير املا وفي الصورة الاخري وخير مردا. خير ما ترجع به الى الله وخير ما تؤمن فيه هذا العمل الصالح. وبالتالي لازم بقى يكون عندك خطة - 00:18:56

هذا العمل الصالح واضحة. لازم اعرف من انا وماذا اريد؟ ماذا عندي من الامكانات؟ وماذا يمكن ان اقابل الله تبارك وتعالى به الفكرة الثانية بقى عندنا او الحل الثاني - 00:19:16

بساطة الوقت المتوفر لك في العلم النافع او العمل الصالح قليل قليل ليس كثيرا. بمعنى ان لا يصح ابدا انت كده كده مضطر الاشياء انت مشغول مع زوجتك مع ابائك في بتنشفل اكيد في وقت من عمرك بيضيع - 00:19:29

يبقى ما ينفعش انت بقى تتبعر برصيدهك من الوقت الباقي يعني الوقت المتاح لك لتحقيق هدفك قليل جدا فازاي انت آآ تضيع الباقي يبقى الفكرة الثانية حافظ على ما تبقى لك من الوقت. هذا الوقت المتبقى لك ما تضيعوش. يعني انت مثلا رجعت - 00:19:49

شغل يعني انت قعدت تمن ساعات في الشغل. رجعت البيت. عندك ساعتين فقط. ينفع تضيع الساعتين دول انك تتصل بوحد وتقعد تتكلم معه ساعتين. او تدخل على الفيسبوك يتقلب في اخبار ما لهاش لازمة. انت عندك ساعتين اصلا - 00:20:13

يبقى لازم تخرج لصوص الوقت من حياتك. دول قطاع طرق. واحد يتصل بك يتكلم معك ساعتين او ثلاثة في امر تافه. او واحد ياخدك عشان تروح معه في مشوار او تدخل في جدال مع واحد لا انت عندك علم ولا هو عنده علم يعني تضيع قليل ما عندك بكثير من الجدل وتبات طول الليل وانت - 00:20:27

تقول فلان علق لي على كذا ودمك محروم لأن. يبقى لازم تفهم القاعدة دي من عقد حياته لا يمكن ان ينجز ما يريد. ما ينفعش لا تفتح على نفسك ابوابا تستنزف جهدك ووقتك - 00:20:47

يعني تدخل في جدال مع مع ناس مخالفين. او تدخل مثلا في نقاش مع واحد تعرف انه معاند. او تفتح على نفسك صفحات واحد انا اعرف واحد متبع عشرين برنامج في طلب العلم. مشترك مع اكتر من آآ - 00:21:04

مشترك مع اكتر من مسلا خمسين قناة على تليجرام. طب ده هيفضل ايه؟ هيفضل انهي قناة فيهم؟ ركز ركز واجمع همك على باب من الابواب آآ يبقى احنا الجزئية دي حلها في تلات حاجات تركز فيهم اللي هي فكرة تعقيد الحياة دي انت الوقت اللي باقي من يومك مهدور - 00:21:20

طيب يبقى الفكرة الاولى ايه بقى اجمع همك وعزمك وادخر وقتك وجهدك وتفكيرك في الهدف اللي انت تريد ان تتقارب به الى الله.

والله يقى ترید ان تتقرب الى من ياب تعلم القرآن وتعلیمه تمام - ٤١:٢٠

تريد ان تتقرب الى الله انك تربى ابناءك وترکز معهم اكثر جميل. تريد انك انت تتعلم لغة اجنبية عشان تتفعك في عملك تريد انك انت آآتطلب علوم الحديث علوم القرآن اصول الفقه عايز تعمل دكتوراة ماجستير المهم ان عندك اهداف. ادخل وقتك المتبقى -

00:21:57

يعنى حياتك لا تعقد حياتك لا تدخل في امور يجعلك تستدين مثلا - 00:22:17

اه انت مثلا بتدخل نفسك في امور تجعلك تستدين. طب ما انت بعد كده هتسدد الديون دي ازاي او مثلا تتبصر من نفسك انك انت آه تدخل في صداقات كثيرة جدا وعلاقات كثيرة جدا ومشكلات كثيرة جدا. طب هتفضي ازاي - 00:22:35

اکید الانسان ممکن يضطر لحاجة من کده لكن ما يتبرعش هو. يعني لا تتبرع من نفسك انك تفتح على نفسك بابا كان يمكن ان تغلقه هو على نفسك الحل الثالث يعني تخلص من اه لصوص الوقت وال عمرة. لصوص الوقت وال عمرة دي ببساطة يعني في شخص عايز يتعلم قرآن وهو نفسه - 00:22:51

وهو جايب المصحف عشان يتعلم سورة جنبه الفيسبوك وعمال يفتح يقرأ شوية ويعمل في الفيسبوك. بيقى انت بتحلم. انت كده انسان بتستعبيط يعني زي ما احنا نقول لا ما ينفععش الكلام ده. لازم تجمع همك وقلبك على الفكرة اللي انت عايزةها - 12:23:00

آآآ ندخل بقى للمسألة الثالثة ودي بقى دقيقه جدا يا شباب. وعايزك بقى تركز فيها عشان احنا هنبدأ هنا في الايه؟ في الحلول الواقعية
ان شاء الله اكبر مشكلة في رأيي الحمد لله يعني انا بدرس للشباب تقريبا من تمنتasher سنة واختلطت بمئات يعني مئات طلاب العلم
هذا ليس مبالغة - 00:23:29

اختلطت بمئات طلاب العلم يعني زمالة وصداقة وتدريس وتعليم. والحمد لله كان العلاقة بيننا علاقة حب وتوافق واخوة. فالموضوع اكبر من مجرد واحد مدرس وطلاب يعني اكبر مشكلة وجدتها في كثير من الطلاب هي - 00:23:51

آآ احساسه بانه لازم الناس تشعر بيذهله وتعبه في طلب العلم وتطوره واجتهاده مهم انه آآ بقى اسلوبه احسن في الكلام. انه بقى ذكي انه بقى مجتهد انه بقى يحافظ على وقته - 00:24:10

هذه الامور خطيرة جداً يا شباب ودي للاسف دي انتشرت مع فكرة الوسائل التواصل اللي هي بقى فيها شهرة والشهرة بقت مقاييسها مشهورة يضرب بها المثل. اهتمامه بان الناس تلاحظه اجتهاده وتنثني عليه به وتشكر - 00:24:28

ایہ؟ بالعدد

او مثلاً بيعمل له لايك الفين واحد. بقت مقاييس النجاح عندنا مقاييس حدايثية علمانية لا علاقة لها بالنظر للمحتوى النافع فهو بقى هو كمان عايز بقى مشهور. هو عايز بقى معروف. ودى خطيرة جداً. فكرة ان انا كل ما اعمل حاجة في حياته اهتم ان الناس

الدكتور عاصي العبدلي - رئيس مجلس إدارة مؤسسة العبدلي

سال عاشر ی

النقطة الاولى. النقطة الثانية بقى ودي دقیقة جدا - 00:25:27 لحظة لا يهمك ذلك ابدا لسببين اولا لأن الناس لا يملكون لك ضرا ولا نفعا. الله سبحانه وتعالى وحده هو الذي يملك الضر والنفع. دي

ان الله سبحانه وتعالى اعلم بك. يعني لو انت حتى بتظاهر للناس

三三

فهيم تعرف ظاهر الله سبحانه وتعالى وحده هو الذي يعلم عنك كل شيء فانت مشغول بقى ليه؟ شاغل بالك ليه؟ ممكن الشهرة دي
تضليل، دا ما شخ، كان محتسب وكان رجلاً من الله اواه ٠٥:٥٣-٠٥:٥٤

تضيعك. ياما شخص كان متقي الله وكان مجتهد وكان يخاف من الله. اول ما - 00:25:53

دخل في سلم الشهرة واصبح الناس بتابعه اصبح يسرق منشورات عشان يشتهر آآ بين الناس. واصبح يحط عنوانين للفيديو مخالفة

لمحتوى الفيديو عشان يجذب الناس. واصبح شحات للايك وما يعرفش ينام كده الا اما يشوف الناس عملوا له كم لايق. ويعني

باختصار - 00:26:10

اصبح فيه شركاء متشاكسون يعني لم يبقى سلما لله ان الله يحب العبد التقى الغني الخفي. الله سبحانه وتعالى هناك رسول كرام لم يقصص الله سبحانه وتعالى علينا قصتهم مع انهم رسول كرام - 00:26:30

واضح؟ يعني الانسان لازم لا تهتم بان يعرف احد عنك شيئا. ما تتشغلش. عرفوا عرفوا ما عرفوش انت شاغل بالله ليه؟ لا يملكون لك ضرا ولا نفعا. انا بقول لك هذه نقطة دقيقة - 00:26:48

جدا الله سبحانه وتعالى وحده هو الذي يجب ان تحسن صورتك عنده. لانه اعلم بك ولانك لا تظلم معه شيئا ولانه هو وحده الذي يملك لك الضر والنفع وبيعجبني جدا قول - 00:27:01

آآ يعني بيعجبني جدا قولي جميل جدا. فيه حد كاتب حاجة بس انا الكاميرا بعيد عني آآ مش عارف انا يمكن اهمال ساعة يفسد رياضة سنة من مش عارف قصتها ايه - 00:27:17

اه طيب نكملي بقى احنا بنتكلم هنا عن فكرة بقول لك بيعجبني قول جميل جدا لعبدة ابن غزوان رضي الله عنه بيكول اعوذ بالله ان اكون في نفسي عظيما وعند الله صغيرا. بقى - 00:27:35

هو مركز انا ايه عند ربنا. هنا على فكرة مش فكرة اخلاص فقط هنا فكرة انك انت بتشتت نفسك. يعني انت دلوقتي كنت الاول عمال تلعب وتضيع وقت لكن انت فلت لنفسك. وبقيت مجتهد. ما يهمكش بقى - 00:27:48

ناس تلاحظ انك اتغيرت. ركز في دي قوي دي بتحصل للانسان امتي مسلا واحد بدأ في برنامج تخسيس كان وزنه تقيل جدا وبدأ بقى يقلل وزنه وبيجتهد وماشي على برنامج حمية غذائية - 00:28:02

برنامج رياضي وواحد بالله. مهتم بقى ان الناس تلاحظ الفكرة دي. لا لا. ما تهتمش. ركز مع نفسك بس لو فيه انسان يجب ان يعرف عنك الخير هو انت. وانت اعلم بنفسك - 00:28:16

ندخل بقى في الحل الرابع او المقترن الرابعة او الفكرة الرابعة دي خطيرة جدا لحظة النجاح والانجاز في مشكلة كبيرة جدا ان انسان يربى ان يكون مكان البطل وقت استلام الجائزة دون ان يسلك طريق البطولة. يعني ايه بقى يا شباب - 00:28:29

يعني في واحد شايف ان في طالب علم متميز معجب به او في شخص بيりد على الشبهات متميز او في شخص مثلا بيبصر الناس وبيوعيهم بمسائل سياسية معينة. فهو معجب بالأشخاص دول - 00:28:51

بس عايز يصل مكانهم وشايف الناس بتتوقرهم وكذا وكذا فيربى ان يكون مكان البطل وقت استلام الجائزة دون ان يسلك طريق البطولة غلط ده مش هيحصل. لا يمكن ان يحصل انجاز حقيقي للانسان دون ان يسلك طريق البطولة. ما فيش الكلام ده - 00:29:07

يبقى لازم تعرف ان الشخص الناجح اللي قدامك ده اللي عاجبك ده عامل زي البناء الجميل المكتمل. البناء ده كان في وقت البناء شكله مش كوييس وعنه اخطاء ومش مكتمل لكنه بدأ يعني نفسه حجر حجر لحد ما صار بهذا الشكل الذي تراه - 00:29:29

يبقى انت لابد ان تبدأ الطريق من اوله. انس فكرة انك انت كتير واحد يقول لك ايه انا مثلا سمعت شرح صحيح البخاري ليه مش عارف اشرحه مع اني سمعت الشرح - 00:29:49

لان القصة مش انت سمعت الشرح الشرح ده عامل زي الجبل كده. الجبل بيكون اكتر شيء فيه تحت يعني مش عارف اوريها لكم ازاى خلينا نعتبر ان ده الجبل كده ده اللي بابن لك - 00:30:00

كل ده تحت فالمنتج اللي انت شايفه لاي شخص معجب به ده آآ مجرد آآ يعني مجرد شيء ظاهر لكن وراه شغل كبير يعني لما شخص هيشرح لك كتاب من من الكتب - 00:30:14

هذا الكتاب وراءه عمق علمي كبير جدا. انت ترى منه منتج من المنتجات. وبالتالي انت حينما آآ تسمع صورة على شيخ مثلا لا ان تقرأ بها في الصلاة بطلاقة. من اول مرة لان فيه وقت بين التلاقي وبين طلاقة الاداء. كذلك انت مش معنى انك انت تعلمت - 00:30:29 كتابا مع شيخ مثلا انك انت تستطيع ان تشرحه بنفس شرح الشيخ. لازم تعرف ان فيه وقت بين التحمل والاداء. اللي هو وقت الاتقان

ضبط المعلومة واتقان المعلومة معرفة ادلة المعلومة وهكذا. يبقى الفكرة آآ الرابعة عندنا ان لحظة الانجاز لا يمكن ان تتحقق لك الا بال усилиي. يكون - 00:30:49

عندك سعي وعندك جلد وعندك صبر. وانا قلت كثيرا الناس لا ينقسمون الى ناجح وفاشل. ينقسمون الى صابر والى سريع الملل المواظبة هي الحل. ليس الحل هو ان تقرأ منشورا لا تستطيع ان تكمله لآخره. ثم تقول انا اريد ان اكون طالب علم. كيف تكون هذا - 00:31:13

انت لم تقرأ انا اقسمت بالله اني اعرف طلاب علم والله لم يقرأ كتابا من الجلدة الى الجلدة. يعني بيكرا بقى له عشر سنوات بيصدر نفسه انه طالب علم يقرأ كتابا من اوله الى اخره ما عندهوش صبر اساسا. احنا لو اعطيته مطوية من المطويات عن الحج او العمرة او صيام رمضان ما عندهوش صبر انه يكمل - 00:31:34

المطوية لانه دلوقتي بقى عايش في زمن سريع معلومة سريعة. آآ يقف مع الفيديو خمس دقائق ثم ينتقل عنه. يقف معه آآ موعضة جميلة. وينتقل عنها دون ان يعمل بها. بيكرا دي فكرة مهمة - 00:31:54

ان صرح الانجاز لا يأتي الا حجرا حبرا طيب رقم خمسة آآ ودي فكرة مهمة جدا. انت في وقت الاعداد والبناء والتكتوين والتحصيل. فلماذا تتعجل الاداء يعني هذه الفكرة التي تكلمت عنها قبل ذلك. يعني انت الان ليس آآ مطلوبا منك - 00:32:08

انك انت آآ مش مطلوب منك انك ابدا انك انت آآ تعطي تعطي دروس. ليس مطلوبا منك انك انت تعلق على كل حدث او او كل مشكلة او كل نازلة من التوازن لأ - 00:32:30

لابد ان تتحلى بالحلم والانارة. وتترك المجال لمن هم اعلم منك. فان كان هناك شخص تكلم في المسألة واحسن فيها واجاد فلماذا تتكلم انت؟ شهوة ان يكون لك كلام من كثر كلامه كثرة سقطه - 00:32:44

يعني واحد بيتكلم كتير اكيد هيغلط. واضح؟ فدي دي نقطة جوهيرية مهمة جدا انك انت تعرف انك انت في وقت الاداء وكل ما يبذل في اقصد انت في وقت الاعداد - 00:33:00

كل ما يبذل في الاعداد يختصر في الاداء. يعني ايه؟ يعني التعب الذي تتبعه الان والتحصيل الذي تحصله الان هو الذي سيجعل عطاءك عطاوك ان شاء الله او يجعل عطاءك ان شاء الله كبيرا جدا باذن الله حينما ت يريد ان تعلم الناس - 00:33:14

الفكرة التي بعد ذلك طلبوا الاهداف النافعة اولا. يعني ايه يا شباب القصة مش قصة حرص على الوقت او علم بقيمة الوقت فقط. لأن لازم يكون عندي اهداف واضحة. انا اعرف كتير من الشباب بيقول انا عارف انا - 00:33:32

حساس قيمة الوقت. وهو فعلًا بيعمل اشياء نافعة لكنها اشياء غير مرتبة يعني هو فعلًا ما بيعملش حاجة غلط مش قادر بيتفرج على افلام ومسلسلات وما تشتات لأن ده هو بيتفرج على اشياء دينية لكن المشكلة مش كده - 00:33:47

المشكلة لا تحصر في مجرد انك انت ما بتعملش حاجة غلط. لأن لابد ان يكون عندك اهداف واضحة تسعى لها. اريد ان اتقن القرآن حفظا مثلا. اريد ان اتقن آآ اللغة العربية. اريد ان اتعلم النحو الصرف. اريد ان اطلب - 00:34:01

علوم الحديث علوم القرآن اصول التفسير. انا عندي اشياء واضحة. لذلك احفظ بقى القول ده الفوضى تسود حينما تترك الوقت للمصادفة. يعني ايه يعني انا النهاردة ما عنديش حاجة هاعملها. بيكرا خلاص. اي حاجة ساضيع عليها وقتني. لكن اذا كان عندي وقت اذا كان عندي هدف هو الذي سأله - 00:34:18

يدخل له الوقت احكي لكم قصة كده بتاعة شاب الشاب ده كان يعني حافظ القرآن لكن نص ونص وقال لي انا عايز اسبت القرآن فانصحني نصيحة واحدة بيقول لي انا من النوع اللي ما باجييش غير بالالزام. يعني زي ما ربنا قال من اهل الكتاب من ان تؤمنوا بقنطرار يؤده اليك - 00:34:41

ومنهم من ان تؤمنه بدينار لا يؤديه اليك الا ما دمت عليه قائمًا في شخص كده عنده خير لكن لا يخرج منه الا عند الضغط والالزام انا احيانا كثيرة جدا اكون تعبان مثلا ومش قادر. فعشان الزم نفسى بالشيء اعمل اعلان مثلا عن الدرس فده هيختليني طبيعى لازم اطلع واضح - 00:35:00

وان كان الافضل ان الانسان يبذل هذه الاشياء الاشياء من نفسه لكن لا بأس انه احياناً الانسان يضع نفسه تحت ضغط. الشخص ده يقول لي انصحني نصيحة واحدة اجبر بها على تثبيت القرآن. ده الكلام ده كان قبل رمضان تقريبا - 00:35:20

آآست شهور انا قلت له هنصحك نصيحة واحدة فقط التزم مع ناس تصلي بهم بالقرآن كاما في رمضان القادر. يعني انت اللي هتتصلي بهم قيام الليل آآ وبالتالي آآانت ستدخر كل فراغ في يومك لثبت القرآن. وقد كان والله - 00:35:36

ان هذا الشاب يعني قبل رمضان بستة اشهر كل وقت فاضي عنده بيرجع من الشغل يمسك المصحف يخلی زوجته تسمع له. يخلوا اصحابه في الشغل في وقت الراحة يسمعوا له. لما كان يقابلني كنت اسمع له. ادخل كل السانية في عمره لهذا الهدى - 00:35:59

مجرد وضوح كده الهدف قدامه خلاص فيه شيء انا عايزه. بيقى كل وقت وكل جهد منصب لهذا الشيء. انما ما فيش شيء خلاص. بيقى فوضى تسود حينما ترك الوقت للمصادفة. وقد كان اصبح ضئينا بوقته - 00:36:16

بدل ما كان بس بيفكر ان هو يتثبت حفظ القرآن عشان يصلی بالناس لأ الموضوعتطور معه ليه لأن طريق ربنا كل خطوة فيه بتسلم اللي بعدها. وهو ده معنى كلمة ان الصدق يهدي الى البر - 00:36:33

معناها ايه؟ ان العمل الصالح الله سبحانه وتعالى شكور. اذا عملت عملا صالحا فيكافئك بثواب. يعني بثواب العمل ويعطيك عملا صالحا. وهذا من شكر الله تبارك وتعالى ويزيد الله الذين اهتدوا هدى - 00:36:49

يعني ربنا يزيدك من آآالهدى سبحانه وتعالى بيقى دي مهمة جدا ان بدل ما هو كان بس بيقرأ قرآن وعايز يسبت القرآن لأ ده طلب علوم القرآن والتفسير والموضوع فتح معه بفضل الله. بيقى اذا لم - 00:37:07

كن عندك هدف واضح لا تكلمني عن الحرص على الوقت. طيب رقم سبعة آآ دي مهمة جدا اه فكرة تصور الاهداف ومراحلها وسبل انجازها. انا دلوقتي ما فيش حاجة اسمها انا عايز اتعلم علوم الحديث. ايوة علوم الحديث دي يعني ازاي؟ هتاخذ حقنة اسمها علوم الحديث؟ لأ. في حاجة اسمها ان علوم الحديث دي ابواب - 00:37:20

في مثلا علم مصطلح الحديث علم الرجال علم آآل الحديث مصادر السنة علم التخريج. خلاص بيقى انا كده واضح قدامي الابواب عندي الكتب عندي ساتكلم ان شاء الله على هذا الامر. المحاضرة دي ممكن تطول شوية تبقى ساعة ونص. لكن معلش لأن انا عايز اختصر فيها - 00:37:44

اه اكتر من فكرة بيقى انا اي امر اطلبه مثلا اريد ان اتعلم اللغة الانجليزية مثلا اعرف ان فيها مثلا آآل استماع وتحدث وحوار وقواعد والكلام ده كله لازم يكون عندي خطة واضحة - 00:38:01

ومراحل وخطوات لتحقيق الهدف. اذا ده مش موجود بيقى ده يشبه المرحلة اللي قبلها. المرحلة اللي قبلها قلنا انت حابب الوقت وعندك حرص على مش عارف تعمل ايه دي برضو شبها انك عندك اهداف هلامية. انا والله عايز ابقى انسان كويس - 00:38:17

عايز اغير نفسي في رمضان ايوة يعني هتعمل ايه؟ عايز تغير نفسك يعني هتعمل ايه؟ لازم يكون عندك خطوات واضحة عشان يكون الجهد متوجه لها. تصور واحد طلع من البيت وبيقول انا عايز اعمل حاجة كويسة. او اريد ان انا امشي في طريق خير - 00:38:35

بس هو مش عارف انهو الطريق. بيقى ده بالزيت شبه واحد مش عايز يمشي في الخير لانه مش محدد. فده امر مهم جدا لازم اعرف في كل هدف خطواته وسبله واسبابه ومراحله وهكذا - 00:38:53

الفكرة بقى اللي بعد كده دي مهمة جدا دي رقم تمانية معنا. ودي كتير من الناس بيغفل عنها وهو بيtalk عن قيمة الوقت وال عمر وهي بركة العمر. العمر يا شباب نحن - 00:39:08

مسلمون نحن لا نتكلم عن التنمية البشرية كما يتكلم عنها العلمانيون. اللي هو يكلمك عن انك انت تصنع شيء م جدا في حياتك اه وكأننا في عصر الجاهلية تصنع م جدا في حياتك لنفسك. لا - 00:39:21

نحن نريد ان نعمل اعمالا صالحة يتقبلها الله. هذه الاعمال الصالحة متنوعة. واحد يريد ان يدخل من باب ان يتعلم القرآن ويعلمه للناس يدخل من باب ان يربى ابناءه ويعلمهم. واحد يدخل من باب ان ينفق في سبيل الله. واحد يدخل من باب ان يدعوا الى الله. فنحن حينما نتكلم عن قيمة الوقت - 00:39:35

نتكلم عن قيمة الوقت بالعمل الصالح الذي ينفعنا عند الله. مش بنتكلم هنا عن نجاح عادي كده لأن هذا الامر هو بركة الوقت. الوقت بالبركة وليس بالقدر. دي دي نقطة جوهرية. ممكن انسان يجلس على كتاب - [00:39:55](#)

عشر دقائق يرزق من الفهم الذي ينتفع به. من ناحية العمل ويكتسب به من ناحية العقل والملائكة العلمية. افضل من واحد بيقرأ بقى له عشر ساعات ده امر يعرفه كل من جرب هذا الامر - [00:40:13](#)

فبالتالي انت حينما تتعامل مع الوقت لا تتعامل بمقاييس المذهب العلماني. او المذهب الحداثي. ان انا عندي ساعتين عندي ثلاثة. لأن لابد ان يكون عندي بركة. النظر لبركة الوقت. والبركة من الله. وسبيل البركة باب واحد. العمل الصالح والدعاء - [00:40:27](#)
يبقى انت حينما تجلس لابد ان تستحضر النية الصالحة لابد ان يكون عندك فهم ان انت هنا بتعامل مع وقت يبارك الله زي المال بالضبط هو بكترته لا ممكن يكون عندك مال كثير جدا وانت لست راضيا. زوجتك ليست راضية. ابناؤك ليسوا راضين. تفتح عليك ابواب تستنزف اموالك - [00:40:47](#)

فلذلك البركة تكون بالعمل الصالح فمن حافظ على فرائض الله تبارك وتعالى وجعلها هي اعظم ما يستثمر فيه الاوقات بارك الله له في القليل مما تبقى من الوقت. اما من ظن بوقته في الفرائض فتحت عليه الابواب التي تستنزف وقته وضاع عليه عمره - [00:41:07](#)
يبقى احنا حينما نتكلم عن الوقت نتكلم عن اعظم واجبات الوقت العمل الصالح. واعظمها الفرائض. فاذا ادى الانسان الفرائض والمستحبات يقينا سيفراغه الله لما يطلب من الاهل اهداف نافعة وده امر مهم جدا. لذلك الوصية التي ذكرها ما لك عن آآ رجل فاضل لما سأله بعض التلاميذ - [00:41:32](#)

آآ فقال له ان طلب العلم حسن. ولكن انظر الى الذي يلزمك من حين تصبح الى حين تمسى ولا تؤثرن عليه شيئا. يبقى لا انظر الى الوقت بمجرد ان هو ساعات وانما الوقت هو بركة من الله. طب ده بقى يخليك تعمل ايه؟ تحافظ على الفرائض وتكثر من الدعاء - [00:41:56](#)

ان يبارك الله لك في القليل من الوقت. ليه انت ممكن والله العظيم انا اعرف ناس آآ يعني هو شغال مثلا شغالانة بيقعد فيها عشر ساعات يوميا. والله يتبقى في اليوم ساعتين. وهو من اهل العلم المتميزين. وهو شغال مهندس - [00:42:16](#)
والله العظيم من اهل العلم المتميزين وله نفع كبير يقول سبحان الله! يعني اين يجد الوقت ليدرس كل هذا؟ البركة من الله. والعكس ممكن تلاقى طالب عنده اوقات كثيرة جدا وهو بيضيع منها عشر ساعات على فيسبوك وعلى كلام فارغ. فالقصة مش قصة القصة مش قصة عندك وقت قد ايها - [00:42:32](#)

القصة قصة هل هذا الوقت يبارك لك فيه ولا أ وبتعملي فيه اصلا فاهم؟ دي بقى مهمة جدا يبقى بركة الوقت في العمل الصالح وفي الدعاء. ندخل بقى لرقم تسعة - [00:42:52](#)

تزبيط الشغل قبل الشغل. يعني ضبط العمل قبل العمل. هنحكي قصة كان فيه راجل الرجل ده عنده شجرة وعنه آآ زي فأس فهو بيضرب الفأس في الشجرة عشان تقطع. تمام؟ لكن الفأس مش مسنون. يعني الفأس مش حامي - [00:43:04](#)
يعني اه مش عارف او صفتها لكم ازاي؟ الجماعة اللي مش مصريين مش عارف يفهموها ولا أ. يعني الفأس ليس حادا فواحد جه قال له لو سمحت بدل ما انت عمال تتعب نفسك كده حاول تسن الفأس عشان تقطع انت كده هتوفر - [00:43:25](#)

مجهود وهتتوفر وقت وبدل ما تقطع شجرة واحدة هتقطع عشرين شجرة. فالراجل قال له ايه؟ قال له لأن انا مشغول بالعمل. ليس وقت لتزبيط العمل. دي بقى الفكرة المشهورة جدا - [00:43:41](#)

ان واحد يقول لك اهم شيء نعمل على الارض. كان واحد صاحبي من اللي هم الدعاة يعني كنت بكلمه كتير اقول له انت امكانياتك كويسيه بس اصبر على نفسك حبة عشان تتعلم انت ما عندكش حاجة. اه انت اسلوبك حلو وبتجذب الناس وآآ ناس كثيرة بتفكر ان الداعي - [00:43:55](#)

يؤثر في الناس. لا التأثير هذا ليس مقصودا من المقاصد. المقصود الاصلي ان تنذر الناس بالوحى هذا هو الاصل. فان تأثر الناس فيها ونعمت. انما دلوقتي اصبح التأثير هو المراد. لكن ما الذي يؤثرهم به - [00:44:11](#)

وهل المضمون الذي اترتهم به صحيح هو ما لوشن دعوة بالكلام ده؟ واهم حاجة انه اثر. اهم حاجة ان الناس فرحت. لأن المهم ده وقت تاني ان شاء الله نبقى نتكلم عن الفكرة دي - [00:44:26](#)

فالشخص ده المعلم قال لا ما عنديش وقت. انا عايز ادعوا الى الله. طب تدعوا الى الله كيف؟ وانت اساسا لست معدا يبقى دي فكرة لازم يكون عندي تزبيط الشغل عندي برنامج واضح. هذا البرنامج - [00:44:37](#)

حد بيقول حاجة ما قريتش التعليق اللي فات ده ثواني يا ريت حاضر احفز الفيديو ان شاء الله حاضر. حد بيقول لي احفز الفيديو عشان نبقى نرجع له. حاضر ان شاء الله - [00:44:51](#)

يبقى الفكرة هنا ايه؟ ما ينفعش ابدأ في شيء الا اما ارتبا. انا دلوقتي مثلا آآ اريد ان انا اتعلم القرآن. مشروع تعلم القرآن مشروع واسع. لازم اعرف حدود تعلم القرآن. واعرف فروع تعلم القرآن. اعرف علوم الحديث. واعرف فروع علوم الحديث. واعرف ازاي هبدأ. وازاي اقيم نفسي. يبقى تزبيط الشغل - [00:45:06](#)

اهم من الشغل او قبل الشغل من الامور المهمة جدا هنا فكرة تقسيم الهدف الى مراحل. ركزوا بقى في الفكرة دي عشان دقيقه شوية ليس هناك هدف في اليوم وانما هناك عمل في اليوم. يعني ايه - [00:45:26](#)

ما تجييش تقول كده والله انا هدفي ان انا احفظ سورة تبارك او سورة الفرقان او سورة النساء. هدفي النهاردة ان انا آآ مثلا اقرأ - [00:45:43](#)

الكتاب الفلاني او هدفي ان انا اسمع الدرس الفلاني. يبقى ليس هناك هدف مرتبط بالوقت وانما هناك عمل مرتبط بالوقت العمل ده بقى انا لازم اعرف اقيسه ازاي؟ يعني انا لازم عشان اقيم نفسي اشوف انا انجزت ولا لا - [00:45:57](#)

نبدأ بقى ندخل في الايه كل دي كانت مقدمات اهي عشان الناس اللي احنا لسة مطولين شوية يعني عايزين بقى نتكلم عن هبة الفراغ. احنا دلوقتي ربنا يعني سبحانه وتعالى هو ده ابتلاء كبير جدا. ولكن من يتقي ويصبر فان الله لا يضيع اجر المحسنين - [00:46:14](#)

يعني اقسم بالله الانسان عنده مرارة عظيمة جدا في موضوع الحرمان من صلاة المسجد وصلاة الجمعة وال عمرة والحج وآآشياء كثيرة جدا وضرر نازل بال المسلمين. نسأل الله سبحانه وتعالى ان يجعله رحمة بالمؤمنين وان يجعله عقابا لكل من يصد عن سبيل الله. ومن يحارب - [00:46:30](#)

دين الله ويجعله ويسدد وطأته على الظالمين لكن في فرصة هنا اتفتحت وهو اختبار فيرأيي ان كتير من الناس اصبح عنده وقت كبير جدا وبصراحة اوقات الفراغ دي عاملة زي جهاز كشف الكدب - [00:46:50](#)

ودي انا كتير كنت بقولها للشباب اقول له انت بتدععي انك انت لو عندك وقت كنت هتعمل. يعني فيه كتير من الناس يقول لك ايه لو عاد بي الزمان لفعلت وفعلت. قلت له لا انت مش صادم - [00:47:06](#)

قال لي ليه؟ قلت له الدليل ان فيه اعمال متاحة لك الان وانت لم تفعل فيها شيئا فاذا كنت آآ يعني غير قادر او غير لك الان فلو عاد بك الزمان ما كنتش تعمل اي حاجة يعني - [00:47:18](#)

الفكرة كلها ان وقت الفراغ الذي نعيشنه الان سواء بقى ده كان نعمة او مش نعمة لابد ان نستثمره لازم يكون عندك شيء واضح جدا في هذه الفترة اه يعني تحاول ان تستثمر فيه اه فترة الفراغ اللي انت عايش فيه. نبدأ بقى هنا بمقترفات - [00:47:35](#)

فتره الفراغ اللي احنا فيها دي او اللي هي الحجر او العزل المنزلي ده او حظر التجوال اللي احنا عايشين فيه ده. لازم يكون عندك شيء واضح تستسبر عليه. وانا عندي يقين والله ان اي انسان يتقي الله في الفراغ لابد ان يعينه الله وان يبارك له في الوقت - [00:47:56](#)

ان يفرغه لما يفعل. يعني احنا نعتبر ان احنا في اختبار. فيننظر كيف تعملون. الله سبحانه وتعالى يختبرك ما الذي ستقوم به؟ فهنا بقى مقترفات لازم يكون عندي شيء واضح - [00:48:16](#)

من الامور المهمة جدا اتقان القرآن. وانا حينما اتكلم عن القرآن لا اقصد ابدا مجرد حفظ حروف القرآن. وده من اكبر اللي حصلت بعد

عهد الصحابة وبالمناسبة حصلت في في عهد متقدم يعني حضرها صغار الصحابة اللي هم توفوا متأخراً زي عبدالله بن عمر مثلاً

00:48:29

حتى عبدالله بن مسعود نفسه عبد الله بن مسعود نفسه حكى كده. يعني عبدالله بن مسعود من كبار الصحابة اللي تقدمت وفاته.

لكنه بيحكي ان الصحابة كانوا مع النبي صلى الله عليه وسلم لا يتعلمون عشر آيات الا اذا عرفوا ما فيها من العلم والعمل - 00:48:49

وعبد الله بن عمر بيحكي عن آآ صحابة النبي صلى الله عليه وسلم كان رجل منهم يحفظ السورة او او نحوها لكنهم رزقوا العمل فانا

لما اتكلم عن القرآن بتكلم عن مشروع متكامل فيه الایمان بالقرآن وحب القرآن العلم بمن نزل القرآن - 00:49:06

سبحانه وتعالى وعلى من انزل والكلام عن الاهتداء بالقرآن واتباع القرآن وتفسير القرآن وتدبر القرآن والتخلق بالقرآن. ومن ضمن ذلك

حرروف القرآن فلاختصر هذا المشروع العظيم في مجرد ان تحفظ الحروف - 00:49:24

ثم بعد ذلك اصبح الانسان يقيس نفسه انا من اهل القرآن لاني حافظ وممكن هو يكون ولا فاهم هو بيقرأ ايه ولا حتى فكر انه يجاهد

نفسه للعمل بالقرآن. زي ما واحد يفضل يجادل الناس عن ان الله ينزل الى سماء الدنيا حين يبقى ثلث الليل الآخر - 00:49:41

وهو لم يقم ليلة واحدة للله. طب هي اساساً هو فايادة الحديث ايه ؟ ما هو الحديث بيقول ان ربنا ينزل الى سماء الدنيا فيقول هل

من داع فاستجيب له الى اخر ذلك - 00:49:57

شف كده لو حد بعث سؤال تمام في حد كاتب يعني اصدق الله يصدق آآ ده كلام صحيح ان الانسان اذا صدق الله تبارك وتعالى

الصدق يعني بمناسبة هذا التعليق العظيم الصدق هو هو هو الخصلة الجامعة للايمان - 00:50:07

لذلك عاقبة الصادقين ان يكون لهم لسان صدق ويكون لهم قدم صدق. والله سبحانه وتعالى يعطيهم وعد الصدق ويبوأهم مبوأ صدق.

ويكونون في في مقعد صدق عند مليك مقتدر. فالصدق هو - 00:50:26

والصدق معناه ان انا اللي اقوله احاول اعمل به وبالتالي انا بتكلم عن مقتراحات لاستغلال الوقت ده مثلاً آآ مشروع القرآن.

مشروع عظيم جداً. واللي يحب التوسيع في مشروع القرآن انا شرحته في فيديو - 00:50:40

في آآ على قناة آآ على قناته عندي في يوتيوب بعنوان آآ برنامج تعلم القرآن طيب الفكرة الثانية دراسة علم معين. احنا خلينا نتفق

بقى على ان احنا عايزين برنامج علم معين يعني ايه ؟ يعني انا مسلا عايز ادرس علوم القرآن. اللي هي بقى بنتكلم فيها عن نزول

القرآن والمكي - 00:50:55

المدني والقراءات والمفسر ومناهج المفسرين واصول التفسير وقواعد التفسير ده باب او علوم الحديث او اصول الفقه او

الفقه او الایمان اللي هو بقى بيسمى العقيدة وهكذا دي فكرة. دي الفكرة الثانية. الفكرة الثالثة - 00:51:14

تراث عالم معين مثلاً اقول الاجازة دي انا ساعيش مع الامام الشافعي رحمه الله. او مع ابن تيمية او الطبرى او مثلاً ابن القيم او او ابن

رجب الحنبلي او ابن حجر او آآ ابن هشام الانصاري. اي واحد من العلماء اعيش معه ومع تراثه - 00:51:32

الفكرة الثالثة المطولة. انت ممكن تستغل الاجازة دي انت بتقول انا ما عنديش وقت اقرأ بقى المطولات الكبيرة. ممكن تستغل

الاجازة دي في المطولات دي اللي هي مسلا زي منهاج السنة زي مجموع الفتاوى زي مثلاً - 00:51:53

كتاب الام للشافعي زي آآ اعلام الموقعين لابن القيم زي تفسير الطبرى آآ بعد كده عندنا آآ انك تختار باب من ابواب العلم زي مسلا

مقاصد الشريعة. زي اختلاف الفقهاء زي الایمان زي الایمان بالقدر زي - 00:52:08

الایمان بالرسل. المهم ان يكون فيه حاجة عندك تجمع همك عليها. وده اللي احنا هنقوله ان شاء الله. احنا ليه بتنشت ؟ لأن الساعة

اللي احنا فاضيين فيها خمس دقائق بنتابع فيها مسلا فيسبوك فانت عازمك متشتت لأ اجمع همك على

طريق واحد - 00:52:25

طيب انا مش عارف احنا خدنا وقت قد ايه آآ بعد كده بقى ندخل بقى للفكرة اللي كتير من الناس يعني طلب الفيديو ده عشانها فكرة

التشتت انا بتعب كتير بس بنسى مش مركز آآ مش ماسك حاجة كده في ايدي - 00:52:46

انا بقى هنا الفكرة اللي انا عايز انصحك فيها هي نقاط يعني ازاي احس ان انا فعلًا بدأت اقف على رجلي في طلب العلم او المعرفة

اول باب يا شباب وده انا بنصح فيه خلينا نقدمها في نقاط اللي هو علاج التشتت او علاج ضعف العزم - 00:53:05

او علاج ان انا بتتعب كتير بس ما فيش حاجة بتثبت اول شيء يا شباب وده علاج يعني علاج اي شيء الدعاء انك انت تعرف ان الله سبحانه وتعالى بيده كل شيء - 00:53:23

فلابد ان تكثر من الدعاء. لابد ان تكثر من الدعاء فيما تطلب لا يصح ان يكون لك حاجة وتغفل عن الدعاء. هذا هو اعظم سلاح اجمع معه ما شئت. لكن هو رقم واحد - 00:53:36

الامر اللي بعد كده بقى ده مهم جدا انك انت في اي باب تريدين تطلبه لابد ان تعرف فروع هذا العلم. بقى دي بقى خلينا ندخل بقى في النقاط العملية - 00:53:49

انا مثلا اريد ان اتعلم علوم الحديث او خلينا نضرب مثال تاني عشان ننوع اصول الفقه لازم اعرف ما هي ابواب اصول الفقه اولا. بقى معرفة ابواب العلم اولا. اعرف ان اصول الفقه فيه مثلا آآ حد - 00:54:03

نعم كلام صحيح يعني هو بيضرب مثال على آآ الظباء على خراش فما يدرى خراش وما يصيده صح هو عنده كذا صيد هو صياد ومركز عايزة يروح - 00:54:19

هنا ويروح هنا فما فيش لابد ان يجمع لهم. ليس من اجتماعهم على باب واحد كمن تشتت همه في اكثر من شيء. ده يعني يشبه فيه آآ متشاسكون - 00:54:35

طيب بقى الفكرة الاولى بقى في اي علم اريد ان اتقنه ان اعرف ابواب العلم. جميل جدا. فانا مثلا في اصول الفقه عرفت ان في باب نشأة اصول الفقه وفي باب المسائل المشتركة بين اصول الفقه وغيرها من العلوم. مع العقيدة واللغة العربية وعلوم القرآن تمام. وفيه باب اخر اللي هو - 00:54:48

الحكم الشرعي اللي بيدرس فيه الحكم الوضعي والحكم التكليفي الواجب والمستحب والمكرور والكلام ده وفي باب تاني اللي هو قواعد الاستنباط وباب اخر للجهاد والتقليد وباب اخر فقه الخلاف ومقداص الشريعة. تمام - 00:55:09

بيقى انا عرفت ابواب العلم. النقطة اللي بعد كده معرفة المسائل المبحوثة تحت كل باب. بقى انا عامل فهرس كده للمادة الذي التي اريد ان اتقنها انا عرفت مثلا اصول الفقه. خلينا ننوع في الامثلة. مسلا دخلت في العقيدة انا - 00:55:25

فعرفت ابواب العقيدة من ضمنها باب اسمه الایمان طيب الایمان ده ما هي المسائل التي تبحث فيه؟ في مثلا معنى الایمان علاقة العمل بالایمان. الایمان يزيد وينقص. آآ مثلا آآ الایمان آآ الاستثناء في الایمان. وفي مثلا نواقض الایمان نواقض الایمان وقواعد مثلا في الایمان. ومثلا آآ - 00:55:43

موانع التكفير وهكذا. بقى انا عرفت كل مسألة الامر اللي بعد كده بقى يا شباب مهم جدا الفروع التي تلحق بالعلم. يعني احنا عندنا فروع اصبحت تلحق بالعلم آآ مثل مسلا المعرفة آآ والمنطق اصبح يلحق - 00:56:07

أصول الفقه واحيانا بالعقيدة او علم الكلام. فلازم انا اعرف ما هي الفروع التي لحقت بالعلم المقدمة اللي بعد كده يا شباب تنوع وسائل المعرفة والتحصيل آآ حد شيء اه الدكتور عبدالهادي آآ كاتب لطلاب الجامعة انهم يسجلوا الاستماراة يا ريت الناس تتجاوب معه اللي هم تبع الجامعة يعني - 00:56:23

اه فكرة ايه بقى يا شباب؟ تنوع الوسائل. ركز بقى معي دي. انا هاضرها لك مثال في القرآن وبعددين في المادة. في القرآن انا مثلا اريد اليوم ان اثبت سورة مثلا الانعام - 00:56:48

عايزك تخيل كده ودي الخطة والله اللي انا مشيت عليها وخطوة رائعة جدا الصورة دي انا لازم يعني اعيش معها بكل ذرة في حياتي هستمع ليها كثيرا من شيخ متقن - 00:57:01

واقرأها من المصحف كثيرا. بقى انا شغلت الان السمع والقراءة من المصحف وبعددين اسمعها على كذا واحد ما سمعهاش لشخص يعني انا ما كتتش عمري ما اسمع مسلا سورة البقرة على شخص لأكت باخدتهم ورا بعض انا مسلا هروح للشيخ الساعة خمسة - 00:57:15

المغرب من الصبح الفجر بسمعها لاخويا بسمعها لصاحبها اللي راكب معه في القطر. يعني خمسة ستة كده لحد لما اروح للشيخ اكون سمعتها بطلاقة انما المشكلة ايه ان انا بحضر درس وبعدين اركن الكتاب لأ - [00:57:31](#)

لازم تجتمع حياتك واركانك في الشيء اللي بتطلبه. يبقى ركز بقى معه لما انا هكون بدرس في التفسير هعمل ايه؟ هقرأ في التفسير كتب للائمة مثل الطبرى مثلا او ابن عطية او الطاهر ابن عاشور او السعدي. اي واحد من المفسرين - [00:57:48](#)

وهستمع الى شيخ من المتقين اللي بيتكلموا عن التفسير مثل مسلا دكتور مساعد الطيار مثلا واقرأ ابحاث في التفسير واتناقش مع اصحابي عن التفسير. والخاص كتب في التفسير. يبقى انا عايش مع التفسير بكل كياني. كل وقت - [00:58:06](#)

عن التفسير بتناقش عن التفسير بكتب منشورات عن التفسير لما بجلس مع الشباب في المدارسة الجماعية برضه عن التفسير. والله هذه من اعظم الطرق اللي بتثبت المعلومة وتعمق المعلومة. ليه - [00:58:27](#)

لان انت مثلا لما بتحضر كتاب مثلا شرح الرسالة التدميرية او مثلا آآ اي شرح الأربعين النووية اي كتاب مجرد ان المعلومة دخلت عندك انت تحتاج حاجتين ان المعلومة تكون جيدة وفي نفس الوقت ان المعلومة تثبت - [00:58:43](#)

هذا لا يمكن ان يأتي من مصدر واحد. يبقى الفكرة اللي بعد كده تنويع مصادر المعرفة الدراسة مع الشيخ او حضور الدورات والمحاضرات وكتابة الفوائد ان شاء الله يكون عندنا درس كيف تكتب الفوائد ما هي الفوائد التي تكتبها واين - [00:58:59](#)

تكتبها وهكذا آآ عندنا ايضا اتكلمنا عن تلخيص الكتب عندنا فكرة البحث العلمي انك تدرب نفسك على البحث. تقول مثلا انا سابح آآ مسألة مثلا زي ضرب الجهل. انا احاول اتدرب عليها. ليس للنشر ولكن لتدرب - [00:59:16](#)

ابحث مسألة مثلا الاسرائيليات في كتب التفسير او الاسرائيليات عند الطبرى. او آآ مثلا ابحث مسألة آآ مسألة مثلا لغوية مثلا وهكذا يبقى لازم تدرب نفسك على البحث المقدمة اللي بعد كده - [00:59:35](#)

المهارات يا شباب. طالب العلم ده عامل زي لاعب الكورة كده. لاعب الكورة عنده مهارات فيه القوة والسرعة والمرونة والرشاقة والدقة والتوازن تحمل فانت عندك مهارات لازم تكون بتعرف تقرأ. لازم تكون آآ عندك مهارة النقد والفهم والتعبير عما عندك عما في نفسك الحوار. وحسن - [00:59:53](#)

والاستدلال اه طيب المقدمة اللي بعد كده بقى يا شباب معرفة مراحل العلم. دي مهمة. انا عايز اتعلم علوم الحديث. كوييس. بس ابدأ ازاى انت ممكن تبدأ مثلا بكتاب متقدم زي كتير من المشايخ اشاء بين الناس ان كتب ابن تيمية صعبة ودرء التعارض العقلي والنقل ده كتاب ما حدش يفهمه ابدا. لأ - [01:00:14](#)

اي كتاب لا تستطيع ان تفهمه فده معناه ان كان هناك كتاب قبله ينبغي ان تقرأه. دي مهمة يبقى لا يصح ابدا ان تدخل في العلم دون ان تعرف آآ خطوات هذا العلم. انا مثلا اريد ان ادرس آآ علوم الحديث. قبل ان ابدأ في استقراء - [01:00:36](#)

تراث الائمة اقرأ مثلا آآ كلام الشافعى في الرسالة او مقدمة مسلم او التمييز لمسلم او اي كتاب من الكتب دي تحتاج ان انا الاول اكون عندي ارضية وده اللي احنا هنقوله ان شاء الله - [01:00:55](#)

آآ هقرأ بقى هنا بقى شباب الفكره دي من كلام ابن عطية وعايزك تركز بقى. ابن عطية المفسر الكبير لماذا قال بعد ما كتب بقى تكلم في مقدمة تفسير المقدمة رائعة جدا - [01:01:09](#)

اه انه تكلم عن ان العلوم كثيرة جدا آآ حد بيسأل في اي بلد انا من مصر. انا من مصر لكن انا لا اعيش في مصر اعيش في بلد اخرى - [01:01:22](#)

آآ حد بيقول فعلًا كتاب دار التعارض صعب ببىقى ينبغي عند قراءته اكثر من مرة. لا هي مش قصة ان الكتاب صعب هو الكتاب مش صعب لكن الكتاب له لغة تحتاج ان تتعلم هذه اللغة. يعني انا ينفع اقرأ في كتب الطب؟ لا. لان ما عنديش لغة الطب حتى لو كنت اعرف انجليزي - [01:01:35](#)

لكن مش فاهم مصطلحات الاطباء الفكره هنا ما فيش حاجة اسمها كتاب صعب او سهل. فيه حاجة اسمها كتاب انا اخذت مقدماته فبقى سهل. فاهمين كده؟ يعني دي امور نسبية - [01:01:55](#)

يعني دي امور نسبية. هذا الكتاب سيكون سهلا ان شاء الله اذا اخذت خطواته. ما فيش كتاب سهل او صعب. فاهمين كده؟ لأن الكتاب سيكون سهل او صعب بالنسبة للمتلقي زي ما انا قلتها كتير. ليس هناك شبهة تثار على الاسلام قوية. وانما المشكلة في ضعف المتلقي.

المتلقي - 01:02:07

فارغ عن العلم بالايامن وبراهين الایمان ان الشبهة قوية وهي ولا قوية ولا حاجة هي هواء لكن المشكلة عنده ابن ابن عطية رحمة الله احنا قربنا نخلص يا شباب بس عايزيين نصبر شوية - 01:02:27

آآ ابن عطية رحمة الله آآ عمل في مقدمة جميلة جدا في التفسير وقال ان العلم يعني الفنون كبيرة فانت بقى لو توهمت ان انت ه تكون متخصص في كل العلوم يبقى انت بتحلم - 01:02:41

وده كتير من الناس اللي ايه ده الوهم اللي انت عارفه. ما فيش الكلام ده ان يأتي في ذهنك انك تكون متخصص في كل العلوم ده مش ممكن. لكن يمكن ان يكون عندك رصيد جيد من العلوم. لكن لابد انك انت لو عايزة تنبئ فعلا يعني تركز في - 01:02:55

حلم او اثنين بالكثير. واضح لان الحياة اساسا ما تحتملش انك تتخصص في علم واحد بمعنى التخصص الاصلبي. اقسم بالله يا شباب لما واحد مسلا بيقول لي انت متخصص في علم الحديث او كذا بضحك باضحك ليه - 01:03:09

بضحك عشان انا عارف علم الحديث وعارف آآ حدوده في حد بيقول من المنهجية اللي احنا نبدأ بها في التراث ابن تيمية انا عملت كده بالفعل في شريط اللي هو كتاب العبودية انا ذكرت فيه كيف نقرأ لابن تيمية اكتر من ساعتين - 01:03:23

والحمد لله طبقت ده على تمانية وتلاتين رسالة تجدونها يعني موجودة كلها حد بيقول آآ بما تنصحنا في بداية العلم باي كتاب نبدأ؟ لأن هو هو ده اللي احنا بنقوله ان احنا مش فكرة باي كتاب احنا عايزيين نتصور الاول - 01:03:37

العلوم الشرعية يعني احنا عندنا علوم الشريعة من يرد الله به خيرا يفقهه في الدين. معلش انا هجاوب على الاسئلة آآ حد قال خد وقتك طيب كوييس شجعتوني من ان انا اخد وقتني يعني انا اصل انا لو خدت وقتني - 01:03:54

الشباب عارفين ان احنا الدرس بيقعد آآ يعني آآ في الدورة الاخيرة مسلا دي الدرس كان بيقعد في اليوم اتناسنر ساعة يعني فما بلاش تقول لي خد وقتك قوي لأن ممكن نقعد لحد اكتر من الفجر يعني - 01:04:09

ولكن ان شاء الله نحاول نلم الافكار آآ بصوا يا شباب ليه انا بتكلم عن الحاجات دي؟ لأن الحاجات دي اهم من مجرد الدرس. ممكن افتح معك كتاب ونقعد نقرأ وافك لك الالفاظ لكن التطبيق ده - 01:04:21

اهم بكثير لانه بيختصر لك العمر ان شاء الله وبيفهمك ايه ايه ماذا ينفي عليك ان تفعل كان الاستاذ آآ سليمان بيقول آآ بما تنصحنا في بداية العلم باي كتاب. لا يا استاذ سليمان هي مش مش باي كتاب - 01:04:34

الاول انت حضرتك تحتاج تتصور علوم الشريعة. من يرد الله به خيرا يفقهه في الدين نحن نريد ان نفقه القرآن وسنة النبي صلى الله عليه وسلم. بس هناك ادوات حتى نفهم القرآن والسنة. آآ العلم بلسان العرب اللي هي اللغة العربية النحو - 01:04:48

وهكذا واهمها طبعا قواعد النحو وعندنا مثلا علوم القرآن اللي فيها اصول التفسير وقواعد التفسير ونزول القرآن والقراءات وجمع القرآن كل هذه الابواب. وعندنا علوم الحديث آآ وعندها شرح السنة وعندنا الفقه والعقيدة وآآ اصول الفقه وهكذا - 01:05:03

احنا عندنا ابواب كثيرة جدا اه فانت لازم تعرف الابواب دي. وتحت كل باب من الابواب في مراحل. يعني انت مسلا عايزة تدرس العقيدة. وبالتالي حضرتك بقى مش تسألني هنا وده - 01:05:23

المهم ان احنا نعرف كيف نسأل واضح آآ انك كيف تسأل تقول انا تحتاج اتصور آآ تحتاج انقض في حد كتب شيء بيقول آآ توجد شروح لكتب اخرى نعم توجد شروح لكتب آآ مقدمة مسلم وآآ كتب في الحديث كثيرة جدا - 01:05:36

آآ تجدونها ان شاء الله موجودة على القناة خلينا بقى نركز في الفكرة دي. بيفي الاستاذ سليمان اللي سأل يعني اقرأ كتاب ايه؟ لأن مش هو ده السؤال. انا تحتاج اتصور العلم اصلا واتصور علوم الشريعة - 01:05:56

وبعددين ابدأ ادرس كل علم. وده ان شاء الله آآ تجده موجود في آآ ملف انا عملته بناء طالب العلم ذكرت فيه هذه الامور. ان شاء الله انشره لكم آآ طيب نرجع تاني يا شباب - 01:06:09

اه بنتكلم عن ابن عطية رحمه الله مش عارف انا في حد فيكم سأله وانا ما جاوبتوش ولا أآ؟ ابن عطية بعد ما ذكر يا شباب ان العلم فنون كثيرة جدا. قال ايه بقى ؟ ركز - 01:06:22

قال ثم رأيت ان من الواجب على من احتبى. وتخير من العلوم واجتبه ان يأخذ من كل علم بطرف تمام يعني اقصد آآ يعني بعد ما ابين هو آآ اسف انا عايز اركز لكم الفكرة - 01:06:33

حد قال ايشرأيكم تكون المداخلات بعد المحاضرة؟ ماشي حد من الشباب قال حاجة كويسة. قال الافضل ان آآ ان احنا نخلي الاسئلة في الآخر. ان شاء الله نخلي الاسئلة في الآخر نقدر لحد الفجر ان شاء الله. نستأنن الاستاذ - 01:06:50
الهادي عشان يعني لصالح الطلاب لان عايز اقول لكم حاجة يا شباب ودي بكل وضوح من اخطر الامور او الاشياء اللي حرمها كثير من الطلاب انهم فقدوا التواصل مع المشايخ - 01:07:04

يعني الحمد لله ان ربنا يسر لنا ان احنا نتواصل مع مع المشايخ الكرام اقسم لك بالله ان الاحتراك باهل العلم والفضل اقل فائدة فيه هو العلم. لكن اكثر فائدة ان تتعلم من اخلاقه ودينه. والله سبحانه وتعالى يسر له يعني الحمد لله كثيرا من اهل الفضل والخير. الله - 01:07:18

سبحانه وتعالى انعم علي بهم هذا التواصل مهم جدا انا مش بقول ان انا يا شيخة والعياذ بالله يعني انا لستشيخا وانما انا طالب علم احاول ان افيكم بشيء من التجارب التي سبقتها - 01:07:40

فيها لكن مهم ده ان احنا مش فكرة معلومة انا ارفض فكرة التقين. ان المعلم وظيفته ان يلقن المستمع. وبعدين المستمع يسمع. لـ. فيه حوار لابد ان يكون - 01:07:50

تلقي منتجا وليس مجرد مستهلك لـ. لازم هو ده اللي بيخلify الدرس جميل وممتع. انك تكون جزء من الدرس. تكون بطل من ابطال الدرس فخلينا بقى نشرح الفكرة دي يا شباب - 01:08:04

ان آآ ابن عطية رحمه الله احنا آآ قلنا ان الاسئلة هنخليها في الآخر وان شاء الله هجاوب عليها باذن الله كلها بيقول ان الانسان يطلب العلوم كلها قدر الامكان. يتعلم لسان العرب ويتعلم ويتعلم الفقه والحديث والتفسير وهكذا - 01:08:17

خلاص وبعدين بقى بينصح نصيحة ركز فيها يقول ثم رأيت ان من الواجب على من احتبى وتخير من العلوم واجتبه ان يعتمد على علم من علوم الشرع يستنفذ فيه غاية الوع - 01:08:35

يعني ركز بقى في علم واحد. انا درست العلوم اهو. خدت مثلا درست اصول الفقه وعلوم الحديث ودرست اه التفسير ودرست اللغة العربية ودرست الفقه وهكذا بس وجدت ان انا حابب علوم الحديث اكثـر. او حابب اصول الفقه اكثـر. بس احذر بقى هنا ما تستعجلش على نفسك في الحكم. احيانا واحد يقول والله - 01:08:56

انا بقى بموت بقى في علوم الحديث. هو انا مش عازمك على مسقعة او او حمام بالفريـك لـ انت احيانا كتير جدا منهم كان بيقول انا حابب اوـي مادة وفعلا فيـه - 01:09:18

وقال لي كان في شاب بيحبـ الشـيخ ابو اسحـاقـ الحـوينـيـ حـفـظـهـ اللـهـ وـشـفـاهـ بـيـحبـهـ جـداـ فـجـهـ قـالـ ليـ اـناـ عـاـيزـ اـبـقـيـ مـحـدـثـ كـدـهـ زـيـ
الـشـيـخـ اـبـوـ اـسـحـاقـ فـاـوـلـ ماـ بـدـأـتـ مـعـهـ درـسـ حـدـيـثـ وـاحـدـ وـلـقـاهـ صـعـبـ قـالـ ليـ لاـ يـاـ عـمـ اـناـ مشـ عـاـيزـ دـهـ - 01:09:28

طب في احيانا الانسان لا يتصور الشـيءـ وبـعـدـينـ يـحـكـمـ عـلـىـ نـفـسـهـ. كـتـيرـ منـ النـاسـ كانـ بـيـكـرـهـ اللـغـةـ العـرـبـيـةـ جـداـ. وـالـلـهـ كانـ بـيـكـرـهـهاـ جـداـ.
اولـ ماـ درـسـهـ لـقاـهـ جـمـيـلـةـ قـالـ اللـهـ دـهـ اـناـ نـفـسـيـ - 01:09:41

الـلـغـةـ دـيـ دـهـ هيـ اللـيـ فـهـمـتـنـيـ القـرـآنـ. لاـ تـتـعـجـلـ عـلـىـ نـفـسـكـ فيـ الـحـكـمـ بـالـمـادـةـ التـيـ تـرـيدـ انـ تـتـخـصـصـ فـيـهـ. ماـ فـيـشـ حاجـةـ اـسـمـهـاـ
تـخـصـصـ مـنـ غـيـرـ مـاـ اـدـوـقـ فـيـ عـلـومـ هوـ يـنـفـعـ اـنـ آـ كـانـ فـيـ كـانـ فـيـ مـرـةـ فـيـ بـرـوكـسلـ فـيـ بـلـجيـكاـ - 01:09:53

وبـعـدـ اـنـ اـدـوـقـ فـيـ عـلـومـ هوـ يـنـفـعـ اـنـ آـ كـانـ فـيـ كـانـ فـيـ مـرـةـ فـيـ بـرـوكـسلـ فـيـ بـلـجيـكاـ. اـنـ اـصـلـاـ ماـ باـكـلـشـ الشـوـكـوـلـاتـةـ بـسـ صـاحـبـيـ قـالـ لـيـ الشـوـكـوـلـاتـةـ دـيـ غـيـرـ الشـوـكـوـلـاتـةـ اللـيـ عـنـدـكـمـ. يـعـنـيـ اـنـ واـخـدـ عـلـىـ الشـوـكـوـلـاتـةـ اللـيـ بـيـشـتـرـيـهـ بـرـبعـ جـنـيـهـ - 01:10:10

فقلت له انا اصلا ما بحبش الشوكولاتة. قال لي لا لا صاحبي ده كان مقيم هناك، قال لي يعني حتى بهزز معه. قال لي يا سحس انس انسى الشوكولاتة اللي انت كت بتاكلها عندك ام ربع جنيه. الراجل عمه ابو حماده بتاع البقال. لأنـ [01:10:24](#) او فدخلنا في السست بتقول لنا دوق ودوق الشيكولاتة فانا بقى المفروض انك انت بتدوق عشان تشتري يعني آآ فانا ما ينفعش طبعاً احنا دوقنا وما اشتريناش لان احنا لقينا الشوكولاتة غالية جدا يعني [01:10:39](#)

المهم ان انا ما ينفعش احكم على نفسي في تخصص في باب وانا اصلا ما ما اعرفوش طب انا اعرف ازاي لازم لازم تدرس العلوم كلها بشكل افقي وبعدين تاخد العلم اللي تحس انه هتفيد فيه. وانا عن نفسي والله لا ادخل في علم الاـ [01:10:55](#) انوبي ان اتخصص فيه لسبب واحد مش عشان انا اتخصص فيه بعد كده. عشان ده بيديني شعور ان انا فعلا عايز اتقنه. والعلم الوحيد اللي ما اهتمتش به في ده [01:11:13](#)

هو اللي انا ضعيف فيه اللي هو التجويد النظري يعني اللي هو النظري. مش من الناحية التطبيقية من الناحية النظرية ان انا ادرس تجويد. ده صعب جدا ليه؟ لاني وانا بدرس تجويد ما حطيتش في دماغي [01:11:24](#) دي عشان كده بقول لك لازم تضع في نفسك مية حد بيسأل سؤال خلينا في الاخر يعني يا ريت استاذ ابو محمد عيده في الاخر ان ده سؤال جميل اللي انت سأله ما هو القدر الواجب [01:11:34](#)

قبل التخصص في كل العلوم. حلو. ده ده سؤال جميل بيقى الفكرة بتاعتتنا يا جماعة ان ابن عطية بيقول لك زي اي حد ادرس العلوم كلها ولازم تعرف ان فكرة الفصل بين العلوم مش موجودة يا شباب دي وهمية. ما فيش حاجة اسمها العلوم [01:11:46](#) بغير بعضها انت بدروس شي كيميا مسلا ومش عارف واحياء لأنك بتدرس علوم الاسلام يعني وانت بتقرأ في التفسير هتلacci في اللغة العربية وفي حديث وهتلacci في اصول الفقه. العلوم داخلة في بعضها يا شباب [01:12:00](#)

ما فيش حاجة اسمها ان انا بدرس باب واسيب الابواب كلها. ما ينفعش. لازم تعرف ان العلوم يعني ما ينفعش تبقى بلاطة في في علم من العلوم. لأنـ [01:12:14](#) نعرف بعد كده ايه هو القدر ان شاء الله

نرجع بقى لعمك ابن عطية. بيقى احنا قلنا ما تستعجلش في الحكم على نفسك في انك بتكره علم او انك مش لاقى نفسك في علم او انك بتتحب علم. اتقل الاول. دوق الاول وبعدين ابقى احكم [01:12:24](#)

قال ثم رأيت ان من الواجب على من احتبى وتخير من العلوم واجتبى ان يعتمد على علم من علوم الشرع يستنفذ فيه غاية الوعي ويجب افاقه ويتبع اعماقه ويضبط اصوله ويحكم فصوله ويلخص ما هو منه [01:12:36](#)

تمام كده؟ او ما يؤول اليه ويفي بدفع الاعتراضات عليه حتى يكون لاهل ذلك العلم كالحسن المشید والذخـر العتيد يستندون الى اقواله ويحتذون على مثالـه. يا سلام الكلمة دي كده ممكن نقعد فيها ساعة عشان نشرح فكرتها. الراجل ده راجل طبعاً تفسيره من من احسن التفاسير. تفسير ابن عطية رحـمه الله. بس شف فكرته بيقول ايه [01:12:55](#)

قل انت الاول هتدرس العلوم كلها. لانـ دـي عـلوم الشـريـعـة. هـتوـصـل لـمـرـحـلـة مـعـيـنـة يـا تـحسـ اـنـكـ اـنـتـ كـوـيسـ فـيـهاـ تـامـ؟ هـنـعـرـفـ الـاحـسـاسـ دـهـ هـيـجيـ لـكـ اـزاـيـ بـعـدـ كـدـهـ وـجـدـتـ بـقـىـ اـنـكـ اـنـتـ وـالـلـهـ عـلـومـ الـقـرـآنـ دـيـ اـنـاـ حـبـيـتـهـ [01:13:21](#)

حـبـيـتـهـ بـقـىـ يـعـنـيـ اـيـهـ؟ يـعـنـيـ حـبـيـتـهـ كـدـهـ حـبـ وـخـلـاـصـ يـعـنـيـ حـبـ منـ طـرـفـ وـاحـدـ لـأـ. حـبـيـتـهـ يـعـنـيـ سـاتـعـمـقـ فـيـهاـ بـدـلـ ماـ كـنـتـ عـارـفـ المسـأـلـةـ بـسـ وـالـنـتـيـجـةـ لـأـ دـهـ اـنـاـ عـاـيـزـ اـعـرـفـ الـابـوـابـ كلـهاـ. وـكـلـ المسـائـلـ وـادرـسـ اـجـمـعـ فـيـهاـ كـلـ المصـادـرـ وـالـمـارـاجـ [01:13:35](#) وـالـابـحـاثـ الـمـهـمـةـ وـاعـرـفـ مـيـنـ مـنـ اـهـلـ الـعـلـمـ الـمـتـمـيـزـينـ. يـعـنـيـ اـغـوـصـ فـيـهاـ بـكـلـ شـيـءـ وـبـعـدـ كـدـهـ اـبـدـأـ اـشـوـفـ اـيـهـ بـقـىـ اللـيـ اـنـاـ مـمـكـنـ اـضـيـفـ. مـمـكـنـ يـكـونـ الـابـدـاعـ بـقـىـ اـنـ اـشـرـحـ لـلـنـاسـ الـمـادـةـ دـيـ. اـقـرـبـهـ لـهـمـ. اـضـيـفـ اـشـيـاءـ [01:13:55](#)

ابـحـاثـ اـشـتـهـرـ فـيـهاـ اـقـوالـ خطـأـ وـصـحـحـهاـ وـهـكـذاـ وـمـنـ اـحـسـنـ الـامـثـلـةـ لـمـنـ فـعـلـ هـذـاـ مـثـلـاـ فـيـ عـلـومـ الـحـدـيـثـ اـهـ كـتـابـ تـحـرـيرـ عـلـومـ الـحـدـيـثـ للـجـدـيـةـ. تـحـفـةـ كـتـابـ رـائـعـ جـدـاـ يـعـدـ فـيـ رـأـيـ اـفـضـلـ كـتـابـ مـعاـصـرـ اـهـ [01:14:12](#) كـتـبـ آـلـتـقـرـيـبـ عـلـمـ مـنـ عـلـومـ. وـهـوـ يـعـنـيـ فـعـلـاـ تـحـرـيرـ عـلـومـ الـحـدـيـثـ. مـنـ الـبـاحـثـينـ الـمـتـمـيـزـينـ جـداـ اللـيـ هـوـ فـعـلـاـ خـدـمـ عـلـمـ الـذـيـ اـهـتمـ بـهـ اـهـ الدـكـتـورـ مـسـاعـدـ الطـيـارـ حـفـظـهـ اللـهـ فـيـ عـلـومـ الـقـرـآنـ [01:14:31](#)

تشعر فعلا ان هو حاول ان يطبق هذا المعنى انه دخل في علوم القرآن وحاول ان يقرأ كل ما يخدم علوم القرآن حتى لو كان من خارج

آآ العلماء المشهورين بالقرآن يعني. وبعد كده آآ وصل مثلا - 01:14:45

عشرين مسألة شائكة فبدأ يتكلم عنها مثلا اسانيد التفسير ما معنى التفسير الفرق بين التدبر والتفسير والتأويل آآ اه مثلا آآ تكلم عن

الاسرائيليات في كتب التفسير تكلم عن مناهج المفسرين عن جمع القرآن عن معنى الوحي عن آآ معنى اعجاز القرآن - 01:15:01

هذا هي هذه هي الفكرة. ان انا ادخل في العلم بعمق لاكون نفسي ثم اخدم هذا العلم. خدمة بقى العلم دي شباب متنوعة. ممكن ان انا

اشرح للناس الكتب الصعبة في العلم. او اسهله لهم. او اكتب بحثا يخدم العلم. او اختار امام متميز في هذا - 01:15:22

وادرس تراثه وهكذا اه طبعا هي المحاضرة لست فيها كتير لكن انا حاسس انها طولت اووي لأن انا كنت المفروض هتكلم عن الائمة

المحققين. طيب خليني عشان افي بعنوان المحاضرة لأن انا احب ان انا افي بعنوان المحاضرة. هل خص فكرة ايه هي فكرة الائمة

المحقة - 01:15:42

اللي انا دايما بتكلم عنها. بصوا يا شباب انا عملت محاضرة اه كررتها اكتر من مرة اسباب حاضر هحفظ البث آآ حد بيقول تحفظ حاضر

ان شاء الله احفظه بازن الله - 01:16:01

ممكن بنزله اصلا حتى على الصفحة على القناة عندي في يوتيوب بازن الله ويفضل عندكم سابت ان شاء الله نركز بقى الفكرة دي يا

شباب. كتير قوي انا بتكلم عن - 01:16:16

لماذا اه اه لماذا ظاهرة قلة الكوادر العلمية؟ يعني ليه عدد كبير جدا بيطلب العلم بس الناس المتخصصة اللي انت بتثق فيها عد انت

على ايدك كده يعني وانت قاعد معي كده - 01:16:25

شوف كده مسلا في علم الفقه كام واحد بتثق فيه انت ممكن تستأمنه على فتوى في علم الحديث في علوم القرآن في اصول الفقه

شوف شوف كده مع نفسك عدد كبير جدا بيطلب مع قلة التوسيع العلمية وقلة الكوادر. فيه اسباب كتيرة انا ذكرتها - 01:16:40

من اخص الاسباب يا شباب المنهج اللي اصبح موجود بيدرس للطلاب منهجه التحفيظ والتلقين ان الطالب مش فعال ما عندوش

ملكات. ومن اهم الاسباب بقى الاتيكاوي السريعة ان الطالب بيتعامل مع مختصرات او رسائل دكتوراة ما عندوش تعامل مع تراث

الائمة - 01:16:55

طبعا عدم التعامل ده خلاه يفقد الملكات. خلاه ما يعرفش يقرأ للعلماء. يعني تصور واحد مثلا عايش على ابحاث معاصرة وبعدين

جيته يقرأ للطبرى. او للشافعى او لابن تيمية او لابن القيم او للشاطبى. او طبعا بقى ده دول اللي بيتكلموا - 01:17:16

لغة جميلة لسان العرب الجميل. امال بقى لو دخل بقى يقرأ للجويني او للرازى او للغزالى او للعامى او لابى الحسين البصري او

للقارى عبد الجبار او للجاحز هيعمل ايه؟ هيخبط دماغه في الحيطة - 01:17:34

لأ يبقى لابد وده بقى اللي احنا بنقوله لابد ان يكون الطالب له ورد ورد مع تراث الائمة المحققين. يعني ايه بقى الائمة المحققين

المحقق هو العالم الذي اذا تكلم في مسألة - 01:17:47

يصور المسألة يبين ما معنى هذه المسألة ويدرك الاقوال فيها ويدرك حجج الاقوال ويبيّن وجه الاستدلال لكل قول. ثم يخلاص الى

نتيجة يقرر هذه النتيجة. ويدفع الاشكالات عنها يرد الاقوال - 01:18:05

المخالفه ده كده اسمه نسق علمي ده بقى محقق يعني لا يعطيك النتيجة وانما يعلمك كيف وصلنا الى النتيجة. تمام كده يبقى هؤلاء

الائمه المحققون طبعا دول يعني قلائل ليسوا كثيرين كما يتواهم الناس ليس كل من تكلم في العلم يكون محققا فيه. انا هنا بتكلم عن

ائمه لا اتكلم عن علم اتكلم عن - 01:18:23

منهج طبعا على على رأس هؤلاء الشافعى رحمه الله. طبعا الائمه الكبار كلهم يعني الائمه الاربعة بلا شك. وكل الائمه كانوا هذا منهج

جاكيني بتكلم عن الكتب الموجودة بين ايدينا - 01:18:49

يعني مثلا الامام الشافعى رحمه الله الامام مسلم من الامام البخارى آآ مثلا الامام الدرقطنى الامام النسائي بتكلم هنا عن علوم الحديث

شوية آآ عندك مثلا الامام ابن تيمية الطبرى آآ ابن القيم الشاطبى ابن هشام الانصاري ابن حجر الذهبي آآ ابن رجب الحنبلى. دول -

علماء حينما تقرأ لهم لا تحصل على مجرد نتيجة. وإنما تعرف كيف وصلوا إلى النتيجة. يبقى طالب العلم هو ده اللي بيفرقه عن المثقف يا شباب ان المثقف يريد ان يعرف النتيجة النهائية. إنما طالب العلم يريد ان يعرف كيف وصلنا إلى تلك النتيجة. فطالب العلم يهتم بسؤال كيف ولي - 01:19:22

ماذا أكثر من سؤال ماذا؟ إنما الإنسان المثقف عايز يعرف الراوي ده ضعيف ولا ثقة؟ ما يهموش عرفنا ازاي ضعيف ولا ثقة. الحديث ده صحيح ولا ضعيف بسرعة طيب ما معنى الأيمان قول وعمل مش عايز يعرف ليه هو قول وعمل. طيب العلمانية دي غلط ولا صح؟ لا يريد ان يعرف لماذا - 01:19:43

يبقى اذا انت هنا تحتاج ان تتعلم خطوات الوصول للنتيجة. ودي يا شباب اربع امور التصور والجمع والنقد والوصول الى النتيجة وتقرير النتيجة وعرض النتيجة ودفع الاشكالات عن النتيجة. ده بقى نسق يا شباب. لا يمكن ان تكون - 01:20:01

عندك هذه الملوكات وانت عايش على رسائل الدكتوراة والابحاث المعاصرة والفيديوهات المعاصرة. لأنابد من ان يكون لك صلة مباشرة مع آآتراث الأئمة المحققين طبعا انا حاول بختصر طبعا جدا يا شباب - 01:20:21

طبعا كل علم من العلوم اه له ائمته لكن انا هنا على فكرة ما اقصدش يعني انا مثلا مش متخصص في اللغة العربية يعني ما هياش اهتماماتي الاولى ومع ذلك اقرأ لائمة اللغة العربية. وانا من من احبهم واكثر عليهم اقرأ لهم بحب رهيب هو ابن هشام - 01:20:38

الانصاري لان انا حينما اقرأ يا شباب انا لا اقرأ علما وانما اقرأ لعالم. فانا هنا اريد ان استفيد من منهجهاته. كيف صور المسألة كيف جمع الاقوال؟ آآكيف ذكر ادلة القول - 01:20:58

وكيف نقد القول وكيف رجح قوله وكيف اجاب عن الاشكالات والاعتراضات على قوله وكيف رتب المسألة؟ ومن اين بدأ؟ ولماذا استطرد؟ هذا تستفيد من اي عالم فانت هنا ستنتفع من اي عالم من المحققين. هنا انا لا اكلمك عن علم من العلوم. طيب - 01:21:15

اه طبعا طيب انا بقى ايه نيجي للسؤال المهم انا خلاص تشجعت اريد ان اقرأ لائمة الكبار. اريد ان اقرأ للشافعي او للطبرى او ابن تيمية او للشاطبى او للذهبى او لابن حجر او لابن هشام - 01:21:37

الانصاري او اي عالم كيف ابدأ؟ ده سؤال مهم. يعني كثير من الشباب يقول فعلا انا شعرت بضعفى ان انا لا استطيع ان اتعامل مع تراث الأئمة. مش عارف اقرأ كلام الطبرى. مش عارف اقرأ كلام ابن تيمية. مش عارف اقرأ حتى جامع العلوم والحكمة - 01:21:51

لابن رجب الحنبلى. ليه في حاجة طبعا؟ لانك انت لم تأخذ لم تتعلم لغة العلم. انت اعتوشت على البحث السهل. تقرأ مثلا في جوجل عايز تبحس مسألة فجوجل بيجيب لك يقول لك ايه مثلا الأيمان. الأيمان قول وعمل. الدليل كذا. وجه الاستدلال كذا. الاقوال كذا.

اعتوشت على الترتيب ده - 01:22:09

فحينما تدخل في كتاب له لغته الخاصة وله اسلوبه الخاص وانت ضعيف في اللغة العربية طب كيف تدخل؟ ما ينفعش. يبقى لابد ان يكون لك تعود على قراءة تراث هؤلاء. طيب السؤال هنا بقى وده مهم جدا - 01:22:29

كيف ابدأ؟ كيف ابدأ للقراءة؟ هل مجرد ان انا ابدأ كده من غير خطة هنتفع؟ لأن انت كده عامل زي واحد دخل حديقة جميلة جدا بالفاكهه. وهو ما يعرفش ان الفواكه مسلا غير البطيخ - 01:22:47

فخد البطيخة وخلاص مع انه كان في مانحة عويس. احنا ما كلناش الصيف ده مانحة وكان فيه فراولة وكان فيه حاجات جميلة جدا بس هو ما شفش غير البطيخ لانه ما يعرفش غير البطيخ. واضح كده؟ او واحد دخل لقى كنوز كثيرة جدا بس هو ما يعرفش - 01:23:02

دي كوز فطالب العلم الذي يقرأ لائمة دون ان يكون عنده ارضية في العلم الذي يقرأ فيه ستفوتة الكوز دون ان يعلم. مش افهم مش هيعرف وهو ده هو ده معنى ان الكافر في الدنيا - 01:23:18

ده معنى ان الكافر في الدنيا خرج من الدنيا باتفاقه ما فيها. وهو ده معنى ان ربنا يقول متع الغرور. يعني متع زائل. وسمى الاعمال الصالحة الباقيات الصالحات نفس الشيء. حينما تدخل على عالم من العلوم - 01:23:36

وانت لا تعرف ابواب العلم الذي تقرأ فيه ستمر عليك كنوز من المسائل ولا تلتفتها واضح كده؟ يبقى نبدأ بقى هنا ايه؟ نركز كده. الخطوة الاولى في استقراء تراث الائمة. واحد - 01:23:51

تحديد من هو الامام الذي ساقرأ له. ده مهم جدا يا شباب لو انت اردت بقى انك بجد تقرأ كوييس حاول تعرف ترجمة ولو مختصرة لهذا العالم وانا احب كثيرا جدا كتاب سير اعلام النبلاء في تراجم العلماء لانه لا يذكر فقط قيمتهم العلمية - 01:24:08

احنا يا شباب لما بتكلم عن قراءة تراث الائمة المحققين كالشافعي والائمة الاربعة والبخاري والترمذى والنسائي والدارقطنى وغيرهم انا والله لا اقصد فقط ان تتمكن علميا لا اقصد ان تتعلم هدى هؤلاء - 01:24:30

في العلم هؤلاء يا شباب كانت التقوى بكل فروعها يعيشونها. فهم يرون ان هذا العلم عبادة ليس سبقا علميا. لا اكتب لاكون مشهورا ولاجمع الناس علي او ليكون لي قول في كل مسألة لأ - 01:24:49

هو شخص يتقرب بالعلم الى الله فانا اريد ان اقول لك ان اقل ما تستفيد من العلماء الائمة الكبار هو العلمية لكن اعظم منه التقوى والورع والخوف. ان يتكلموا في دين الله بغير علم. انا حينما اري شبابا مثلا الان لم يقرأ - 01:25:08

كتابا واحدا واراه يفتدي ويتكلم ويقطع ويجزم بالمسألة اعرف من اين اوتني لانه لم يقرأ للائمة سيقول لعل ربما ممكن يتوقف ويisks. لكن هو لم يتعلم هذا - 01:25:29

اساسا هو خلاص عنده جرأة ويقطع في المسألة ويجزم. وتناني يوم يغيرها ما عندوش مشكلة. يبقى انا عايز اقول لك لما بادعوك لقراءة تراث الائمة انا اريد منك يعني احنا بنقولها في مصر تعمل عمرة لنفسك. عمرة يعني برة وجوة يعني. يعني انت مش بس مهاراتك العلمية لأ - 01:25:45

التقوى بكل فروعها سترها ان شاء الله موجودة عند هؤلاء الخوف من الله. الورع ان هو يقول في دين الله بغير علم يبقى انا لازم اختار مين العالم اللي اقرأ له او الامام؟ طيب الفكرة الثانية يا شباب اعتذر ان انا اخترت مثلا الطبرى. وده اللي احنا هنضرب مثل عليه يعني - 01:26:05

طيب انا اخترت الطبرى رحمه الله يا شباب قرأت ترجمة الطبرى مهمة جدا يا شباب لأن قراءة الترجمة بتعطيك عارفين كده لما تقرأ شعر العترة وانت ما تعرفش قصة عترة مش هتفهم - 01:26:23

يعني انت لما تيجي تقرأ مثلًا عترة وهو بيقول آآ مثلًا تعنفي زبيبة في المنام على الاقدام في يوم الزحام تخاف علي ان القى وHamami بطعن الرمح او ضرب الحسام مقال ليس يقبله كرام ولا يرضى به غير اللئام. وهو بيtalk عن كده لا يمكن ان تشعر بقيمة - 01:26:36

قصيدة الا اذا عرفت من قالها ولماذا قالها؟ ودي بقى مهمة جدا ان انا اعرف ترجمة على الاقل مختصرة لمن اخترتنه من الائمة الامر بقى اللي بعد كده يا شباب - 01:26:56

لابد يكون عندك ارضية قوية في الباب الذي تزيد ان تقرأ له. يعني انا ساقرأ نفسير الطبرى مثلًا بقى لازم يكون عندي قراءة في علوم القرآن وفي قواعد التفسير وفي اصول التفسير وفي اختلاف المفسرين وفي القراءات وهكذا وفي روایة - 01:27:08

التفسير روایات التفسير واسانيد التفسير الارضية دي بقى يا شباب فايدتها ايه؟ ركز كده. عارف لما تكون انت داخل تعلم تمرين قوة بتتسخن هو ده التسخين بقى آآ فانت لما بتقرأ الابحاث دي هتكشف امور. اول حاجة انك بقى بقىت فاهم العلم ده بيtalk عن ايه والله ده علوم القرآن دي. بيtalkوا فيها عن نزول - 01:27:27

القرآن وجمع القرآن والمكي والمدني بيtalkوا فيها عن القراءات وعن آآ منهاج المفسرين وعن آآ كيف تلقى الصحابة القرآن؟ تمام كده طب قواعد التفسير بيtalkوا فيها عن تفسير مثلًا قواعد في التفسير ان الاصل حمل آآ الآية على آآ المشهور من لغة العرب تمام عرفت القواعد. طب - 01:27:50

أصول التفسير ممكن افسر القرآن بالقرآن او القرآن بالحديث او آآ طب ايه هو الشواهد الشعرية خلاص كده انا بدأ افهم يعني عندي
كده مدخل. فيه امور بقى مهمة جدا - 01:28:10

ان انت لو ما عندكش ارضية بالمسائل اللي في العلم كيف سلتقط الفوائد يعني تصور انا كده لما اقول لابني بص يا حبيبي انت
هتدخل الحديقة دي واهم فاكهة تحرص عليها هي التفاح والجوافة والمنجة مثلا البرتقال يبقى خلاص ابني بقى معه كشاف -
01:28:24

اول ما يلاقي الحاجة دي هيحطها في الشنطة هو نفس الكلام. لما تكون انت بتقرأ مثلا لتفسير الطبرى كمثال انت اخترته كنموذج.
فانت عندك حاجة اسمها الروايات عنبني اسرائيل - 01:28:46

اه فانت ستلاحظ ان الطبرى احيانا يفسر الاية بروايات عنبني اسرائيل. تمام. يبقى ستبغض هذا في اعتبارك. طب عندك حاجة اسمها
القويون الذين فسروا القرآن او لهم كلام في القرآن مثل الفراء او معمر ابن المثنى ابو عبيدة آآ او غيرهم - 01:29:00

ستجد انه الطبرى يذكر احيانا اقوالا لهم وينتقدوها ويختلطها. ويذكر اسباب الخطأ. اه يبقى دي فائدة آآ مستذكرة الطبرى آآ ستنتظر الى
الطبرى مثلا يذكر ان المفسرين اختلفوا الضمير يعود على ماذا؟ ونفسه وما سواها فالهمها فجورها تقوى قد افلح من زكاها -
01:29:19

من يا ترى الله هو الذي يزكيها او العبد هو الذي يزكي نفسه. اه يبقى هذا من انواع الخلاف في التفسير طيب ستجدهم اختلفوا في
سبب النزول. يبقى ده نوع اخر. اختلفوا من المراد في الاية. ده نوع اخر. اختلفوا في اعراب الاية. ده نوع اخر. يبقى انا - 01:29:39
لما كان عندي رصيد من العلم قبل ان اقرأ فيه وعندي رصيد بالمسائل المثارية يبقى ساعتها سالتقط كل فائدة وكلما كان علمك اكثر
كلما كان جمعك اكثر وكلما كان علمك اقل يعني اضرب لكم مثال - 01:29:56

آآ كتاب النبوات للامام ابن تيمية انا آآ كنت بادي في مشوار قراءة ترات ابن تيمية تقريبا قبل خمستاشر عام بدأت ببعض الكتب وقلت
لأ انا بقى عايز ادخل في كتاب منهاج السنة. طبعا بعد كده تكررت الغلطة معي في كتاب النبوات - 01:30:15
قلت بقى انا لازم ادخل بقى في كتاب منهاج السنة ده كتاب مهم جدا في في في بيان آآ ما يؤمن به اهل السنة في باب الایمان
والقدر والاسماء والصفات - 01:30:32

كده ورد على الشيعة القدرية فدخلت في الكتاب وما عنديش مقدمات الكتاب طبعا انا آآ قرأت مثلا حوالي آآ يمكن مثلا ميت صفحة
منه بعد كده بدأت الصعوبة بقى تيجي في الكتاب - 01:30:42

اللي حصل ان انا ما فهمتش طبعا اغلب الكتاب وتركته لما قرأت بقى بعد كده خدت التدرج مشيit في سلم وصلت للكتاب ده
اكتشفت ان حتى الكتب اللي انا قرأته يعني - 01:30:58

فات مني فوائد كبيرة جدا. وانا ما كنتش عارف ان دي فايدة اصلا وانا دلوقتي مثلا لما بقرأ كتاب قرأته من من عشر سنين باكتشف
كمية فوائد فاتتني كبيرة ليه يا جماعة - 01:31:12

لان الانسان هو ده معنى التدبر. التدبر هو المجهر. مجهر يعني ايه؟ يعني انا باصص للشيء كده. لازم اتعمق فيه اكثر. كل ما تتعمق كل
ما لك فوائد. طب انت هتعرف الفوائد ازاي لما يكون عندك رصيد من العلم - 01:31:26

مهم جدا يا شباب وانا بقرأ لاي عالم من العلماء ان انا مش عارف احنا طولنا او اي اه عايز احاول اخلص اه الفكرة مهم جدا انا وانا
بقرأ عالم من العلماء اقسام الكتاب الى فقرات واحاول ان انا افرق بين القاعدة والفائدة والمثال والنتيجة والاستطاعة - 01:31:41

كل ده يا شباب لمن يريد يعني تطبيقه عمليا الحمد لله طبقته مع الشباب في يعني كتب كثيرة جدا. اكثر من اتنين واربعين كتاب لأن
بعد ما بعد كتب الحديث يمكن - 01:31:59

خمسين كتاب موجودة كلها يا شباب على يوتوب وباحمل بعضها في كتب منها في الحديث وفي كتب منها في للامام ابن تيمية
رحمه الله لمن اريد تطبيقا يعني الشاهد من الموضوع يا شباب ان آآ احاول الخص الافكار عشان ناخذ الاسئلة لو حد عنده اسئلة
ممك يكتبها من دلوقتي يا شباب - 01:32:10

الخلاصة يا شباب ان انا اتكلمت عن فكرة تشتت طلاب العلم. آآآ تضييع اوقاتهم وان كتير من الطلاب عنده حب للدين لكنه مضيع مجاهوده ومضيع وقته. آآ يضيع قليل ما عنده بكثرة الجدل. يريد ان يتكلم في كل مسألة يريد ان - 01:32:29

لاحظ الناس انه يطلب العلم انه طالب علم آآ يتجرأ في الفتية والكلام يفتح على نفسه ابوابا تستنزف عمره وجهه. ودي الفكرة الاولى. قدمنا مجموعة من الحلول منها ان انا احدد هدفي - 01:32:45

ومنها ان انا آآ ارتب نفسي واعرف مراحل الهدف آآ استخرج من عمري كل ما يعني يشتت فكري وآآ ويضيع وقتني واركز نفسي اعرف مراحل الهدف واعرف اقسام واعرف ابوابه - 01:32:58

اه لازم استغل فترات الفراغ اللي احنا فيها دلوقتي آآ اتكلمت عن اهمية تراث الانتماء الكبير واتكلمت ان احنا نأخذ ارضية في كل العلوم وبعدين نأخذ علم واحد نجوب في افاقه وننهتم به. وآآ ذكرت فكرة - 01:33:14

ان لازم يكون لك ورد مع الانتماء الكبير لازم يكون لك مطالعة لهم حتى تتعود على لغتهم. آآ لازم آآ تنوع من وسائل المعرفة يعني يكون عندك تواصل مع طلاب العلم والمشايخ وتسمع للدورات تذاكر مدارسة جماعية حتى لو كان عن طريق الانترنت مش لازم يعني يكون بالاجساد - 01:33:28

ملخص الكتب آآ يكون عندك ورد في قراءة السنة طبعا دا مهم جدا. مهم جدا انك انت انا بستغرب لما واحد بقى له عشر سنين بيتعلم والله العظيم لسة ما قرأ صحيح البخاري. والله دي دي غلط ما ينفعش. او حتى قرأ تفسير مختصر ما ينفعش يا جماعة - 01:33:48

ما ينفعش لازم يكون في ورد ثابت يومي للقرآن والحديث على الاقل نصف ساعة هنا ونصف ساعة هنا. او يا عم عشر دقائق. لازم امر على على على السنة. البخاري ومسلم والكتب الستة ومسند - 01:34:06

احمد وموطاً مالك والدارمي لازم يا جماعة لازم هو احنا بنتعلم ايه والله انا مستغرب من شباب زرت كتير من طلاب العلم في بيوتهم ما وجدت عنده اه كتاب فتح الباري حتى و حتى تفسير للقرآن. جايب لي شوية ابحاث معاصرة وجايب لي مش عارف كتاب الالهوت والسياسة. وداخل بقى في موضة الفكر. لا - 01:34:18

اذا كنا ندرس هذه الكتب ندرسها لنعرف بطلانها وضلالها. انما اعيش عليها واترك ديني ومحكمات ديني. لا اعرف القرآن والحديث ولا اعرف لسان العرب ولا اعرف تفسير القرآن ولا شرح السنة. لا يا شباب - 01:34:39

انا اي واحد بيطلب مني ان هو يطلب علم اقول له اقرأ المختصر في التفسير وشرح الأربعين النووية في البداية. لازم يعرف ان القرآن والسنة هو الاصل. نحن نتعلم كل العلوم - 01:34:55

لنتعلم القرآن والسنة والا فانا لو تعلمت كل العلوم ولم افقه القرآن والسنة. يبقى انا كده اتعلمت ايه؟ يتعلمون ما يضرهم ولا ينفعهم حقيقة اقولها بكل وضوح اي انسان لا يتعلم ليفهم كلام الله وحديث النبي صلى الله عليه وسلم هو يتعلم ما يضره ولا ينفعه - 01:35:05

المنتهاه من يرد الله به خيرا يفقهه في الدين طيب لو حد عنده سؤال يا شباب ازن كان فيه آآ حد سأل سؤال بس انا مش فاكر ايه هو فلو حد عنده سؤال يقوله لان انا طولت عليكم كثير بصراحة فان شاء الله هحفز الفيديو اللي يحب ان هو يراجعه - 01:35:25

وآآ احب انبه الشباب عشان في ناس بادئة معنا اه في سلسلة عملتها لرفع كفاءة طالب العلم دي تقريبا فيها عشرين درس آآ وفي سلسلة عملتها لقراءة تراث الانتماء دراسة تطبيقية وسلسلة آآ كيف تتخصص في علوم الالله اللي هي ضريتها مثال على علوم الحديث - 01:35:41

آآ في عندي سلسلة برضو اتكلمت فيها عن تزكية النفس لطالب العلم اه في اه سلسلة اتكلمت عنها في الحياة مع القرآن اتكلمت فيها عن اهمية القرآن وايه هو مشروع القرآن - 01:35:59

يعني في شوية حاجات كده حاولت ان انا اساهم فيهم مع طلاب العلم. يعني لعل الله سبحانه وتعالى ينفع بها ونصيحة بقى يعني آآ مناخ يحب لكم الخير كثيرا بكل بكل صدق وبكل حب والله يعني انت تستطيع ان تبلغ عند الله تبارك وتعالى اعظم الدرجات -

و تستطيع يعني عايز اقول لك العمر اللي عدى عليك ده العمر اللي اللي عدى عليك حد بيقول هل لك شرح آآ لفتح الباري؟ لا آآ لا ليس لي شرح الفتح الباري هو فتح الباري يعني لا يحتاج شرحا يعني انه اصلا هو شرح ل صحيح البخاري - 01:36:31

آآ عايز اقول لكم ان الفكرة دي انك تستطيع باذن الله انك تبلغ أعلى الدرجات عند الله وتستغل العمر ده حد بيقول ما هو احسن طبعا لتفسير الطبرى. احسن طبعة - 01:36:48

طبعا طبعة اللي هو آآ التركى. اللي هي طبعة اللي هي دار عالم الكتب آآ فتح الباري في طابعات كثيرة آآ احسن شرح لفتح الباري احسن شرح للبخارى والله انا رأى انك انت تبدأ بشرح مختصر - 01:37:00

شرح مختصر صحيح البخارى في شرح للشيخ محمد يسري جميل جدا خليني بقى انا اذكر لكم آآ تفسير آآ الطنطاوى آآ تفسير جميل تفسير آآ طنطاوى آآ محمد سيد طنطاوى اللي هو كان مفتى مصر. آآ ده تفسير كوييس فيه فوائد كثيرة لكن في رأىي انك انت تحتاج مقدمات قبل لان احيانا تقابل موضع من الموضع هو في بعض الموضع - 01:37:19

يعنى ابدع فيها بصراحة لكن فيه موضع تانية آآ اخطأ فيها آآ لانه لم يتبع فيها المفسرين من الائمة وانما اتبع فيها المعتزلة او غيرهم. آآ او الاشاعرة او غيرهم لكن هو عموما تفسيره صراحة - 01:37:41

انا بجد فيه فوائد كبيرة اه حد بيقول هل نصيحتكم لمawareed التخصص في تفسير القرآن والله انا يعني آآ انا عن نفسي اتعلم كل شيء حتى آآ افقه القرآن. لكن في نفس الوقت - 01:37:54

انت تحتاج انك انت تتعلم كل العلوم. يعني ما تحكمش على نفسك في آآ ما تستعجلش في الحكم على نفسك. بالمادة اللي انت تخصص فيها كل مادة تريد ان تتعلمها لتعلمها للناس وهي لها علاقة بالقرآن هي مادة جميلة. حتى اللغة العربية الحديث اصول الفقه اي شيء. خليني اقول لكم النصيحة يا شباب - 01:38:07

لو حد عنده سؤال يكتبه يعني حاول حاول انك تنقد نفسك من من الحياة اللي بقت سائدة في طلاب العلم طالب العلم بقى ما عندوش عزم ما عندوش صبر ما عندوش طاقة يقرأ سريع المللي بينتقل من من شيخ لشيخ من برنامج لبرنامج - 01:38:26

لأ ركز اجمع همك وركز في في الباب اللي انت بتطلبه شايف ان الفيسوبوك بيضيع وقتك خلاص او ادخل في شيء محدد بالتحديد. ما تقدرش في يوتيوب تدور كده وخلاص لأ انا داخل اسمع فلان - 01:38:48

والنصيحة بقى الثانية اذا وجدت بابا من ابواب الخير وجدت نفسك فيه لا تتركه مش اول ما تمشي في خطوة اسبوع تسيبها وتدخل في خطوة تانية لأ في محاضرة انا زكرتها اللي هو الوقت. قيمة الوقت. حد بيسأل حد بيسأل سؤال الاول عشان ما - 01:39:04

سؤال ان شاء الله خطبة للمبتدئين على صفحتك بحيس نرجع اليها. طيب ناخذ سؤال سؤال سؤال بالنسبة للمبتدئين حاضر في في انا بس عايزك تسمع الاول لو مبتدئ انا هيهمني قوي انك تسمع الدروس دي من اولها لان عملتها لطلاب الجامعة - 01:39:21

من البداية اللي هي بصوا يا شباب طالب العلم عندنا فيه ركين في ركن الامانة وفي ركن القوة. الامانة اللي اللي بنتكلم فيه عن كل معاني الامانة والصدق والاخلاص وتنمية النفس واعمال القلوب وحب الله - 01:39:37

او ابتلاء وجه الله دي معاني الامانة ومعاني القوة اللي بنتكلم فيها عن التحصيل وبنتكلم فيها عن الصبر وعن العزم وعن المهارات وحسن البيان اللاتين دول بقى مع بعض. القوي الامين في مجاله حتى تكون قوية امينا في مجالك. انا عملت اكتر من عشرين محاضرة تجدوها موجودة انا شاء الله بعنوان - 01:39:53

آآ رفع كفاءة طالب العلم موجودة على قناة يوتيوب حد بقى يسأل سؤال تاني اه حد اقصى قاصد ان انا اخدها واحدة واحدة حد قال كتب العقيدة القديمة للبربهاري آآ والله كتاب البربهاري انا يعني لا انصح به الطالب يعني في البداية على الاقل لان هو آآ في اشياء كثيرة جدا ليست محررة وانا اقصد بكتب العقيدة المتقدمة هي - 01:40:13

الصحابيين ان انا اقرأ كتب الایمان من الصحيحين وهذا انا شاء الله هيكون لنا شرح عليه. كتاب مثلا العلم للبخاري بدء الوحى الایمان التوحيد اه وكتاب مسلم وهكذا يعني انا رأىي وطبعا كتاب التوحيد لابن خزيمة بس خليك الاول في كتب الایمان من

آآ دي الافضل حد بيقول بقى كتب المعاصرین في العقيدة لابد منها نعم في يعني في اشياء طبعا كتب الامام ابن تيمية في العقيدة فيرأيي هي اهم كتب بعد تراث الانئمة اللي هو - 01:40:52

بعد البخاري ومسلم لكن كتب المعاصرین فيها ابحاث طبعا كويسة جدا اه في حد بيقول ممکن تجربتك مع الطبری مكتوبة؟ حاضر. اه
انا والله كتبتها. طبعا انا كنت جايب لكم الكشاکيل. انا كنت فاکر ان احنا - 01:41:04

آآ احنا طبعا توسعنا في الاول انا كنت جايب لكم الكشاکيل اللي انا عملت فيها كل بفضل الله كل حرف في تفسير الطبق. طبعا نسيت
اقول لكم على التجربة عشان محمد - 01:41:17

محمد رجب سألني السؤال آآ محمد من من الطلاب اللي معنا يعني الحمد لله من تقريريا آآ يمكن من قد ايه والحمد يمكن من آآ من کام
يا محمد من اتناشر سنة تقريريا - 01:41:27

الحمد لله محمد يعني كان شاف الدروس اللي کنا بناخدها اربعناشر ساعة في اليوم فالحمد لله آآ بالنسبة لتفسير الطبری بقى ده اللي
انا اساسا كنت عايز احكي تجربتي يعني كنت في فترة من الفترات في بلد - 01:41:40

وکنت ما بخرجش يعني لاسباب معينة كان آآ عندي شيء معين جبت تفسير الطبری بفضل الله يعني قعدت عليه وقت وجيز جدا. آآ
والحمد لله انهیته واحيانا كنت بقرأ في اليوم. بفضل الله سبحانه وتعالى مجلد والمجلد - 01:41:54

تقريبا تمنمئة صفحة وكل فائدة مررت بها لا يمكن اسيبها. يعني الكشاکيل دي تشهد كتبتها الحمد لله كلمة كلمة ومش عايز اقول لك
ان انا بعد التفسير ده کاني ولدت من جديد - 01:42:08

يعني كتبت كل حرف وبعد كده بكتبه على الكمبيوتر تاني فالحمد لله ده بيثبت المعلومة. والله فيه کلام كتير جدا يعني عايز افتحه
معكم لكن الوقت طبعا ما يسمحش لكن تجربتي مع تفسير الطبری وغيره الحمد لله من المجموعات العلمية الكبيرة. آآ ان انا اقعد
على الكتاب واكتب فيه كل فائدة واثبته لا انتقل منه. ما عنديش فكرة - 01:42:22

السرعة دي ان انا آآ بقرأ مثلا مغنى لبيب ان انا خلاص اعرف كده فايدة منه لا اكتب كل حرف فيه واعمل تشجير عشان اتكلم هو
يتكلم مسلا عن عشر مسائل هنا اطلع منها وكل مسألة ايه هو دليلها ورد - 01:42:43

ازاي بحيث ان الكتاب يتقن. وبعد كده مش بسيبه. باراجعه کمان. وبعد كده اكتب فوايده. وهكذا الموضوع مش سرعة مش مش قدر
اللي انت قرأته المهم انك انت ما ثبت عندك الموضوع يعني حرافية اکتر ما هو آآ كثرة وقت يعني - 01:42:57
فغيره الحمد لله من المجموعات العلمية الله سبحانه وتعالى يعني اكرمني بها سبحانه وتعالى. وانا احب فكرة الثبات على الشيء. يعني
لو انا مسلا فتحت في شيء احب اکمل انا مسلا مهمتم بكتب الحديث يبقى اکمل فيها فترة شوية ما ما ابقاش بتنتقل من هنا لها -
01:43:14

اه ان شاء الله اه محمد سأل عن عن فواید تفسیر الطبری والتجربة ان شاء الله هي مكتوبة وان شاء الله باعتها لك يا محمد باذن الله.
نشوف كده حد تاني عنده سؤال - 01:43:31

آآ لأن طيب آآ جزاك الله خيرا يا شباب انا كنت بنصحكم النصيحة انك انت ما حاول تستغل على نفسك شوية وتتصبر ما تستعجلش
انت مستعجل ليه على الاداء؟ مستعجل ليه على العطاء؟ ليه مهمتم؟ ليه بتقيس نفسك بالشهرة - 01:43:40

يعني في شباب انا اعرفهم كتير جدا كان عندهم مجھود كبير في تعليم الناس ونشر العلم. والله تركوا الدروس لانه بيقول لي ما
حدش بيتابعني ما حدش بيعمل لي لايک. ما حدش بيشاهد - 01:43:56

انت ما لك! انت شاغل بالك ليه! انت اهتم بشيء واحد بس. جودة المحتوى. بس انما بقى الناس هتفتافعل مش هتفتافعل. طبعا لو واحد
نصحك عشان تجدد شيء او تصحح شيء. جميل - 01:44:06

لكن الناس اتفعلت ما تفعليش انت شاغل بالك ليه مش بتعاتك دي مش بتعاتك خالص مقاييس النجاح عندنا هي مقاييس علمانية
للأسف آآ کم لایک کم مشاهدة ممکن واحد يكون قرأ منشور تعban وما لوش اي لازمة بس لقى ناس الفين واحد عملوا لایک فبيعمل هو

لاليت كمان. ممکن يقرأ منشور جميل جدا فيه فايدة جميلة - 01:44:20

لكن ما حدش عمل له لايک فما يعملاش لايک. يعني انت بتبع بنظارة الغرب يا جماعة ليس هناك تلازم بتاتا بين النجاح والشهرة.
ممکن انسان مشهور وهو تافه. او حتى منسوب لمجال نافع بس هو مش فاهم حاجة فيه اصلا. فاهم كده - 01:44:40
مشهور بالمناظرات والافحاص وهو والله ما يفهم حاجة. لا يستطيع ان يقرر حقا ولا ان يرد باطلا واضح ؟ آآ ما فيش تلازم ممکن يكون
شخص انا اعرف ناس مغموريين اقسم بالله اجلس امامهم كانبي يعني جالس قدام جبل من العلم وهو مش معروف - 01:44:57
ولو كتب منشور بيكتب کلام زي الذهب. دكتور مساعد الطيار فيديوهات و يخش يشوفها هتلaci خمسمية واحد ربعمية واحد متين
واحد. وممکن تلaci فيديو مشاهد وعشرين مليون واحد او خمسة مليون واحد وفيديو ما يساويش اي حاجة اووعي آآ تنخدع
بالمقاييس العلمانية وتقيس بها نفسك - 01:45:14

أ ما مقاييسك هو جودة المحتوى وانك تطور نفسك وتنتعب مع نفسك وخلاص ليس عليك هداهم انت شاغل بالك ليه ؟ يعني اذا كنت
تبغي الاجر اجرك محفوظ عند الله. ومع ذلك لا تتعجل في - 01:45:33
ان تتتصدر لا تتعجل في ان تتتصدر ولا ان يعني اتعب مع نفسك شوية. انت الان فرصة انك في فترة الاعداد انا مش عايز اطول
عليكم اكتر من كده. انا اساسا - 01:45:48

يعني المفروض بنام بعد العشاء يعني انا ما احبش السهر ابدا ولكن الاخ طلب مني ان الدرس يكون بعد العشاء والا انا بحب الدروس
اللي بعد الفجر حد لو حد عنده سؤال لان احنا طولنا كتير جدا - 01:45:58
جزاكم الله خيرا وبارك الله فيكم واحسن الله اليكم وفي کلام كتير جدا ان شاء الله يعني ممکن نخلي الدروس القادمة يعني حاول
نختار فيها موضوعات. وانتكم كمان لو في اي موضوعات تحبوا ان احنا نتكلم فيها اكتبوها اقتربوها واحب من الشباب ان هم يقرأوا
السلسلة اللي عملتها لرفع كفاءة - 01:46:10

طالب العلم والكتب اللي انا حاولت اطبق عليها منهاج آآ استقراء تراث الائمة المحققين جزاكم الله خيرا وبارك الله فيكم ونسأل الله
سبحانه وتعالى ان يرفع عنا هذا البلاء. وان تفتح لنا المساجد ونرزق الحج والعمرة. وان يفرج عن المستضعفين - 01:46:29
المؤمنين في السجون في المعتقلات وان يخفف عنهم وان يشدد وطأته على الظالمين. وان ينجي اخواننا المستضعفين في كل مكان
في سوريا في العراق في اليمن في آآ في الصين في كل مكان يؤذى فيه آآ المسلمين. نسأل الله سبحانه وتعالى ان
يفرج عنا. وان يقضينا اليه غير مفتوح - 01:46:45

جزاكم الله خيرا وبارك الله فيكم. والسلام عليكم ورحمة الله وبركاته. يا ريت تستغلوا فترة الفراغ اللي انتم فيه. والله هذا هذه الفترة
كنز كنز تستطيع انك تدخل به اعمالا صالحة عند الله - 01:47:05

لكن المشكلة ان الانسان لما بيكون فارغ من العلم النافع والعمل الصالح بيفضل الكلام والرغي انما لو انت عندك مشروع عمرك ما
هتدخل مع مناقشة مع واحد وتضيع وقتك لا انا واضح عندي شغل في ايديا شغل فمش فاضي - 01:47:20
واضح انما امتى الفوضى بتحصل لما ما يكونش ورايا حاجة ولذلك حط لنفسك برنامج واستعن بالله والله سبحانه وتعالى لن
يضيعك. بارك الله فيكم. والسلام عليكم ورحمة الله وبركاته - 01:47:37